

四庫全書

史部

欽定四庫全書

資治通鑑卷八十七

宋 司馬光 撰

胡三省 音註

晉紀九

起屠維大荒落盡重光協洽凡三年

孝懷皇帝中

永嘉三年春正月辛丑朔熒惑犯紫微

紫微即紫宮也

漢太史

令宣于修之

考異曰晉春秋作鮮于修之今從載記十六國春秋余按姓氏諸書有鮮于而無

宣于言于漢主淵曰不出三年必克洛陽蒲子崎嶇難以

久安

崎丘奇翻  
嶺丘于翻

平陽氣象方昌請徙都之淵從之大赦

改元河瑞

時汾水得玉璽  
淵因改元河瑞

三月戊申高密孝王略薨

以尚書左僕射山簡為征南將軍都督荆湘交廣四州

諸軍事鎮襄陽

代略也

簡濤之子也嗜酒不恤政事表順

陽內史劉璠得衆心恐百姓劫璠為主詔徵璠為越騎

校尉

璠扶元翻

南州由是遂亂父老莫不追思劉宏

史言劉宏父子

得江漢間民心

丁巳太傅越自滎陽入京師

越自去年徙屯滎陽

中書

監王敦謂所親曰太傅專執威權而選用表請尚書猶

以舊制裁之今日之來必有所誅帝之為太弟也與中

庶子繆播親善及即位以播為中書監繆盾為太僕卿

太僕九卿也但晉官未有卿字卿字衍委以心膂帝舅散騎常侍王延尚

書何綏太史令高堂冲並參機密越疑朝臣貳於已

悉散

竇翻騎奇寄翻朝直遥翻

劉輿潘滔勸越悉誅播等越乃誣播等欲

為亂乙丑遣平東將軍王秉帥甲士三千入宮執播等

十餘人於帝側付廷尉殺之

越因繆播兄弟以克河間今人殺之權勢之爭可畏

哉帥讀曰率

帝歎息流涕而已綏曾之孫也初何曾侍武帝

宴退謂諸子曰主上開創大業吾每宴見

見賢通翻

未嘗聞

經國遠圖惟說平生常事非貽厥孫謀之道也及身而

已後嗣其殆乎

嗣祥史翻

汝輩猶可以免指諸孫曰此屬必

及於難

難乃旦翻

及綏死兄嵩哭之曰我祖其殆聖乎曾曰

食萬錢猶云無下箸處

箸遲據翻挾也

子劭日食二萬綏及弟

機羨汰侈尤甚與人書疏詞禮簡傲河內王尼見綏書

謂人曰伯蔚居亂世而矜豪乃爾其能免乎人曰伯蔚

聞卿言必相危害尼曰伯蔚比聞我言自己死矣

何綏字伯

蔚比必寐翻及  
也蔚紆勿翻

及永嘉之末何氏無遺種

種章  
勇翻

臣光曰何曾議武帝偷情取過目前不為遠慮知天

下將亂子孫必與其憂

與讀  
曰預

何其明也然身為僭侈

使子孫承流卒以驕奢亡族

卒子  
恤翻

其明安在哉且身

為宰相知其君之過不以告而私語於家非忠臣也

太傅越以王敦為揚州刺史

為敦亂東  
晉張本

劉寔連年請

老朝廷不許尚書左丞劉坦上言古之養老以不事為

優

不事謂不  
使任事也

不以吏之為重謂宜聽寔所守丁卯詔寔

以侯就第以王行為太尉太傅越解兗州牧領司徒越

以頃來興事多由殿省

謂誅楊駿廢賈后誅趙王倫齊王冏及討成都王穎及羊后太

子覃屢廢屢立皆殿中人為之

乃奏宿衛有侯爵者皆罷之時殿中武

官並封侯由是出者略盡皆泣涕而去更使右衛將軍

何倫左衛將軍王秉領東海國兵數百人宿衛

自是帝左右皆

越私人

左積弩將軍朱誕奔漢

武帝泰始四年罷振威揚威護軍置左右積弩

將軍

具陳洛陽孤弱勸漢主淵攻之淵以誕為前鋒都督

以滅晉大將軍劉景為大都督將兵攻黎陽克之又敗

王堪於延澤沈男女三萬餘人於河

敗補邁翻沈持林翻

淵聞之

怒曰景何面復見朕

復扶又翻

且天道豈能容之吾所欲除

者司馬氏耳細民何罪黜景為平虜將軍

劉淵之識略非聰曜所能

及也

夏大旱江漢河洛皆竭可涉

川竭亡國之徵

漢安東大

將軍石勒寇鉅鹿常山衆至十餘萬集衣冠人物別為

君子營

石勒起於胡羯餓隸而能如此此其所以能跨有中原也

以趙郡張賓為謀

主刁膺為股肱夔安孔萇支雄桃豹遂明為爪牙

姓諱雙子

之後以國為姓後趙支雄傳云其先月支胡人也桃春秋魯邑以邑為姓一曰古高士左伯桃之後遂盧谷翻

并州諸胡羯多從之

羯居謁翻

初張賓好讀書

好呼到翻

濶達有

大志常自比張子房及石勒徇山東賓謂所親曰吾歷

觀諸將無如此胡將軍者

勒本胡也故謂之胡將軍

可與共成大業

乃提劔詣軍門大呼請見勒亦未之奇也賓數以策干

勒

呼火故翻數所角翻

已而皆如所言勒由是奇之署為軍功曹

動靜咨之

漢主淵以王彌為侍中都督青徐兗豫荆

揚六州諸軍事征東大將軍青州牧與楚王聰共攻壺

關以石勒為前鋒都督劉琨遣護軍黃肅韓述救之聰

敗述於西澗勒敗肅於封田皆殺之

西澗封田皆當在壺關東南敗補邁

翻 考異曰石勒載記肅作秀封作白今從十六國春秋及劉琨集

太傅越遣淮南內史

王曠

考異曰十六國春秋作王廣今從帝紀

將軍施融曹超將兵拒聰等

曠濟河欲長驅而前融曰彼乘險閒出

閒古覓翻

我雖有數

萬之衆猶是一軍獨受敵也且當阻水為固以量形執

量音良

然後圖之曠怒曰君欲沮衆邪

沮在呂翻

融退曰彼善

用兵曠闇於事勢吾屬今必死矣曠等於太行

行戶剛翻

與

聰遇戰於長平之間曠兵大敗融超皆死聰遂破屯留

長子

純 屯音

凡斬獲萬九千級上黨太守龐淳以壺關降

漢

降戶江翻 作劉惔劉琨

琨傳作襲醇今從帝紀

劉琨以都尉張倚

領上黨太守據襄垣

襄垣縣屬上黨郡宋白曰襄垣趙襄子所築因以為名

初勾

奴劉猛死

見七十九卷武帝始八年

右賢王去卑之子誥升爰代

領其衆誥升爰卒子虎立居新興號鐵弗氏

鐵弗氏之後為赫連

勃與白部鮮卑皆附於漢

勃今從後魏書晉書

劉琨

自將擊虎

將即亮翻 圍壺關琨使兵救之為聰所敗

王廣等及聰

戰又敗龐淳以郡降賊十六國春秋潤五月遣聰攻壺關敗韓述黃肅六月晉遣王廣等來討七月戰于長平

晉師敗劉惔以壺關降按劉琨集載六月癸巳琨答太傅府書曰聰彌入上黨龐惔不能禦又曰安居失利韓述授首封田之敗黃肅不還決辰之間名將仍殄又曰即重遣江陶都尉張倚領上黨太守疾據襄垣續遣鷹揚將軍趙凝梁徐都尉李茂與倚併力輕行夜襲賊捐奔輜車宵遁而退追尋討截獲三分之二當聰彌之未走烏丸劉虎構為變逆西招白部遣使致任稱臣於淵殘州困弱內外受敵輒背聰而討虎自四月八日攻圍然則琨討虎以上事皆在四月以前也蓋晉漢二史皆據奏報事畢而言之今依琨集為定

劉聰遣

兵襲晉陽不克 五月漢主淵封子裕為齊王隆為魯

王 秋八月漢主淵命楚王聰等進攻洛陽詔平北將

軍曹武等拒之皆為聰所敗

敗補邁翻

聰長驅至宜陽自恃

驟勝怠不設備九月弘農太守垣延詐降

垣姓延名降戶江翻

夜

襲聰軍聰大敗而還王浚遣祁宏與鮮卑段務勿塵擊

石勒于飛龍山

隋地理志恒山郡石邑縣有飛龍山括地志封龍山一名飛龍山在恒山鹿泉

縣南四十里

大破之勒退屯黎陽冬十月漢主淵復遣楚

王聰王彌始安王曜汝陰王景帥精騎五萬寇洛陽

復扶

又翻帥讀曰

率騎奇寄翻

大司空鴈門剛穆公呼延翼帥步卒繼之

北狄傳匈奴四姓有呼延氏卜氏蘭氏喬氏而呼延氏最貴

丙辰聰等至宜陽朝廷

以漢兵新敗不意其復至大懼辛酉聰屯西明門

西明門洛

城西面南頭  
第二門也

北宮純等夜帥勇士千餘人出攻漢壁斬

其征虜將軍呼延顥壬戌聰南屯洛水

洛水過洛城南

乙丑呼

延翼為其下所殺其衆自大陽潰歸淵勅聰等還師聰

表稱晉兵微弱不可以翼顥死故還師固請留攻洛陽

淵許之太傅越嬰城自守戊寅聰親祈嵩山

嵩山在河南陽城縣

留平晉將軍安陽哀王厲冠軍將軍呼延朗督攝留軍

冠古玩翻

太傅參軍孫詢說越乘虛出擊朗斬之

說輸蒯翻

厲赴

水死王彌謂聰曰今軍既失利洛陽守備猶固運車在

陝糧食不支數日

聰自宜陽而東又南進屯于洛水既為晉所敗運車在陝糧道隔絕陝失

冉殿下不如與龍驤還平陽

淵以族子曜為龍驤大將軍驤思將翻

裹糧

發卒更為後舉下官亦收兵穀待命於兗豫不亦可乎

聰自以請留未敢還宣于修之言於淵曰歲在辛未乃

得洛陽今晉氣猶盛大軍不歸必敗淵乃召聰等還

天水人荀琦等

荀呼宏翻

殺成太尉李離尚書令閻式以梓

潼降羅尚

降戶江翻

成主雄遣太傅驤司徒雲司空璜攻之

不克雲璜戰死初譙周有子居巴西成巴西太守馬脫

殺之其子登詣劉宏請兵以復讐宏表登為梓潼內史

使自募巴蜀流民得二千人西上

上時掌翻

至巴郡從羅尚

求益兵不得登進攻宕渠

宕渠縣漢屬巴郡自蜀以來屬巴西郡賢曰宕渠故城在

今渠州流江縣東北宕徒浪翻

斬馬脫食其肝會梓潼降登進據涪城

涪音浮

雄自攻之為登所敗

敗補邁翻

十一月甲申漢楚王

聰始安王曜歸于平陽王彌南出輟輶

輶音環

流民之在

潁川襄城汝南南陽河南者數萬家

襄陽縣漢屬潁川郡武帝泰始二年

分立襄城郡

素為居民所苦皆燒城邑殺二千石長吏以應

彌

長知兩翻

石勒寇信都

信都縣漢屬信都國後漢屬安平國晉同

殺冀州刺史

史王斌

斌音彬

王浚自領冀州詔車騎將軍王堪北中郎

將裴憲將兵討勒勒引兵還拒之魏郡太守劉矩以郡

降勒

降戶江翻

勒至黎陽裴憲棄軍奔淮南王堪退保倉垣

倉垣城在陳留浚儀縣水經汴水出浚儀縣北東運倉垣城南即入梁縣之倉垣亭也城臨汴水

十

二月漢主淵以陳留王歡樂為太傅

樂音洛

楚王聰為大

司徒江都王延年為大司空遣都護大將軍曲陽王賢

與征北大將軍劉靈安北將軍趙固平北將軍王桑東

屯內黃

內黃縣屬魏郡應劭曰陳留外黃故加內云

王彌表左長史曹嶷行

安東將軍東徇青州且迎其家淵許之

嶷魚力翻為曹疑據青州張本

王彌家

初東夷校尉勃海李臻與王浚約共輔晉室

在東萊

浚內有異志臻恨之和演之死也

見八十五卷惠帝永興元年

別駕

昌黎王誕亡歸李臻說臻舉兵討浚臻遣其子成將兵

擊浚

考異曰燕書王誕傳成咸今從李洪傳說輸芮翻

遼東太守龐本素與

臻有隙乘虛襲殺臻遣人殺成於無慮

無慮縣前漢屬遼東後漢屬遼

東屬國晉省應劭曰盧音周禮所謂其山醫巫間是也

誕亡歸慕容廆詔以勃海

封釋代臻為東夷校尉龐本復謀殺之

應乎罪翻復扶又翻

釋子

俊勸釋伏兵請本收斬之悉誅其家

俊七倫翻人且緣翻

四年春正月乙丑朔大赦

漢主淵立單徵女為皇后

單徵氏酋也歸漢見上卷二年單音善

梁王和為皇太子大赦封子乂為

北海王以長樂王洋為大司馬

樂音洛

漢鎮東大將軍

石勒濟河拔白馬王彌以三萬衆會之共寇徐豫兖州

二月勒襲鄆城

鄆音絹

殺兖州刺史袁孚遂拔倉垣殺王

堪復北濟河攻冀州諸郡

復扶又翻

民從之者九萬餘口

成太尉李國鎮已西帳下文石殺國以已西降羅尚

降戶

江翻

太傅越徵建威將軍吳興錢璿

吳分吳郡丹陽置吳興郡以自烏程

興故也璿黃外翻

及揚州刺史王敦璿謀殺敦以反敦奔建業

告琅邪王睿璿遂反進寇陽羨

陽羨縣前漢屬會稽郡後漢屬吳郡自吳以來

分屬吳興郡賢曰陽羨故城在今常州義興縣南

睿遣將軍郭逸等討之周玘

糾合鄉里與逸等共討璿斬之玘三定江南

惠帝永興元年討石

永嘉元年討陳敏今又誅璿是三定江南

睿以玘為吳興太守於其鄉里

置義興郡以旌之

時分吳興之陽羨及長城縣之西鄉丹陽之永世為義興郡

曹

疑自大梁引兵而東所至皆下遂克東平進攻琅邪

夏四月王浚將祁宏敗漢冀州刺史劉靈於廣宗殺之

將即亮翻下同廣宗縣漢屬鉅鹿郡晉屬安平國敗補邁翻

成主雄謂其將張寶

曰汝能得梓潼吾以李離之官賞汝寶乃先殺人而亡

奔梓潼訇琦等信之委以心腹會羅尚遣使至梓潼

使疏

吏翻琦等出送之寶從後閉門琦等奔巴西雄以寶為太

尉幽并司冀秦雍六州大蝗食草木牛馬毛皆盡

雍於

用翻秋七月漢楚王聰始安王曜石勒及安北大將軍

趙國圍河內太守裴整于懷詔征虜將軍宋抽救懷勒

與平北大將軍王桑逆擊抽殺之河內人執整以降

降戶

江翻

漢主淵以整為尚書左丞河內督將郭默收整餘衆

自為塢主

域之小者曰塢天下兵爭聚衆築塢以自守未有朝命故自為塢主將即亮翻

劉琨

以默為河內太守羅尚卒於巴郡詔以長沙太守下

邛皮素代之

姓譜皮姓樊仲皮之後

庚午漢主淵寢疾卒未以

陳留王歡樂為太宰長樂王洋為太傅

樂音洛

江都王延

年為太保楚王聰為大司馬大單于並錄尚書事置單

于臺於平陽西

蟬單音

以齊王裕為大司徒魯王隆為尚

書令北海王乂為撫軍大將軍領司隸校尉始安王曜

為征討大都督領單于左輔廷尉喬智明為冠軍大將

軍領單于右輔光祿大夫劉殷為左僕射王育為右僕

射任顗為吏部尚書

任音士顗魚豈翻

朱紀為中書監護軍馬

景領左衛將軍永安王安國領右衛將軍安昌王盛安

邑王欽西陽王璿皆領武衛將軍分典禁兵

璿句緣翻

初盛

少時不好讀書

少詩照翻好呼到翻

唯讀孝經論語曰誦此能行

足矣安用多誦而不行乎李燾見之歎曰望之如可易

易弋鼓翻  
慢易也

及至肅如嚴君可謂君子矣淵以其忠篤故

臨終委以要任丁丑淵召太宰歡樂等入禁中受遺詔

輔政已卯淵卒

考異曰十六國春秋八月丁丑淵召太宰歡樂等受遺詔已卯卒辛未葬按

長歷七月壬戌朔十六日丁丑十八日已卯八月辛卯朔無丁丑已卯及辛未辛未乃九月十一日蓋淵以七

月卒九月葬十六國春秋誤也

太子和即位

和字玄泰淵之嫡子

和性猜忌無恩

宗正呼延攸翼之子也淵以其無才行終身不遷官侍

中劉乘素惡楚王聰衛尉西昌王銳恥不預顧命乃相

與謀說和曰先帝不惟輕重之勢使三王總彊兵於內

惟思也三王謂安昌王盛安邑王欽西陽王璿也或曰三王謂齊王裕魯王隆北海王乂行下孟翻慈烏路翻

說輸大司馬擁十萬衆屯於近郊謂聰屯平陽西也陛下便為

寄坐耳

言大權非已出託位於臣民之上勢同寄寓也坐徂卧翻

宜早為之計和攸

之甥也深信之辛巳夜召安昌王盛安邑王欽等告之

盛曰先帝梓宮在殯四王未有逆節

聰淵之第四子故曰四王或曰謂聰

裕隆又也一旦自相魚肉天下謂陛下何且大業甫爾陛下

勿信讒夫之言以疑兄弟兄弟尚不可信他人誰足信

哉攸銳怒之曰今日之議理無有二領軍是何言乎命

左右刃之盛既死欽懼曰惟陛下命壬午銳帥馬景攻

楚王聰于單于臺

單音蟬

攸帥永安王安國攻齊王裕于

司徒府乘帥安邑王欽攻魯王隆使尚書田密武衛將

軍劉璿攻北海王乂密璿挾乂斬關歸于聰聰命貫甲

以待之

貫甲擐甲也  
帥讀曰率

銳知聰有備馳還與攸乘共攻隆

裕攸乘疑安國欽有異志殺之是日斬裕癸未斬隆甲

申聰攻西明門克之

劉淵都平陽諸城門  
皆用洛陽諸城門名

銳等走入南

宮前鋒隨之乙酉殺和於光極西室

劉淵起光極殿於平陽

收銳

攸乘梟首通衢

梟堅亮翻

羣臣請聰即帝位聰以北海王又

單后之子也以位讓之

考異曰載記作又十六國春秋作又今從之

涕泣

固請聰久而許之曰父及羣公正以禍難尚殷貪孤年

長故耳

難乃旦翻長知兩翻

此家國之事孤何敢辭俟父年長當

以大業歸之遂即位

聰字玄明淵第四子

大赦改元光興尊單氏

曰皇太后其母張氏曰帝太后以父為皇太弟領大單

于大司徒其妻呼延氏為皇后呼延氏淵后之從父妹

也從才用翻封其子粲為河內王易為河間王翼為彭城王

惺為高平王惺苦回翻仍以粲為撫軍大將軍都督中外諸

軍事以石勒為并州刺史封汲郡公 略陽臨渭氏苻

蒲洪驍勇多權略羣氏畏服之晉志略陽郡在臨渭縣蓋魏所置也載記曰氏

之先蓋有扈氏之苗裔世為西戎酋長洪家池中生蒲長五丈五節如竹形時咸謂之蒲家因以為氏其後洪

以識文有草付應王又其孫堅背文有忡付字遂改姓苻氏漢主聰遣使拜洪平遠

將軍洪不受自稱護氏校尉秦州刺史略陽公蒲洪事始此

九月辛未葬漢主淵于永光陵謚曰光文皇帝廟號

高祖 雍州流民多在南陽詔書遣還鄉里流民以關

中荒殘皆不願歸征南將軍山簡南中郎將杜蕤各遣

兵送之促期令發京兆王如遂潛結壯士夜襲二軍破

之

二軍山簡及杜蕤所遣之軍也

於是馮翊嚴嶷

嶷魚力翻

京兆侯脫各聚

衆攻城鎮殺令長以應之

長知兩翻

未幾衆至四五萬

幾居豈翻

自號大將軍領司雍二州牧

雍於用翻

稱藩于漢

冬十月

漢河內王粲始安王曜及王彌帥衆四萬寇洛陽石勒

帥騎二萬會粲于大陽敗監軍裴邈于澠池

帥讀曰率敗補邁翻

下同 澠 彌 究 翻

遂長驅入洛川 粲出轅轅掠梁陳汝潁間

轅 音 還

勒出成臯關

晉志河南成臯縣有關

壬寅圍陳留太守王讚於倉

垣為讚所敗退屯文石津

據帝紀文石津在河北又據永嘉六年勒自葛陂北行至

東燕使孔萇自文石津潛度枋頭取向水船則文石津在東燕之東北枋頭之東南

劉琨自將

討劉虎及白部

白部鮮卑也琨以劉虎及白部皆附漢故討之

遣使卑辭厚禮

說鮮卑拓拔猗盧以請兵

說輸 芮 翻

猗盧使其弟弗之子鬱

律帥騎二萬助之遂破劉虎白部屠其營琨與猗盧結

為兄弟表猗盧為大單于以代郡封之為代公時代郡

屬幽州王浚不許遣兵擊猗盧猗盧拒破之浚與琨由

是有隙猗盧以封邑去國懸遠民不相接乃帥部落萬

餘家自雲中入鴈門從琨求陁北之地

陁北石陁關之北也陁音刑

琨不能制且欲倚之為援乃徙樓煩馬邑陰館繁峙崞

五縣民於陁南

樓煩匈奴之所居其地在北河之南今嵐州樓煩郡非古樓煩也漢馬邑則唐

之大同軍是其地漢陰館縣在句注西北繁峙縣在武州川崞縣為北齊北顯州平寇縣今五縣雖存皆非古

縣地矣陁謂陁嶺陁音刑

以其地與猗盧

考異曰懷帝紀永嘉五年十一月猗盧寇太原劉琨

徙五陁居之六年八月辛亥劉琨乞師于猗盧表盧為代公宋書索虜傳在永嘉三年晉春秋在永嘉四年且

云猗盧率萬餘家避難自雲中入鴈門後魏序紀在穆  
帝三年即永嘉四年也琨集永嘉四年六月癸巳上太  
傅府牋云盧感封代之恩故知在四年六月之前又琨  
與丞相牋曰昔車騎感猗奄救州之勲表以代郡封也  
為代公見聽時大駕在長安會值戎事道路不通竟未  
施行盧以封事見託琨實為表上追述車騎前意即蒙  
聽許遣兼謁者僕射拜盧賜印及符冊浚以此見責戎  
狄封華郡誠為失禮然蓋以救弊耳亦猶浚先以遼西  
封務勿塵此禮之失浚實啟之浚遂與盧爭代郡舉兵  
擊盧為所破紛錯之由始結於此鴈門郡有五縣在陁  
北盧新并塵官國甚彊盛從琨求陁北地以並遣三萬  
餘家散在五縣間既非所制又於琨殘弱之計得相聚  
集未為失宜即徙陁北五縣若陁南盧因移頗侵逼浚  
西陁圍塞諸軍營浚不復見恕危弱而見罪責以此觀  
之盧非避  
難而來也  
由是猗盧益盛琨遣使言於太傅越請出兵

共討劉聰石勒越忌苟晞及豫州刺史馮嵩

越晞有隙事見上卷

二年嵩蓋亦不心附越者恐為後患不許琨乃謝猗盧之兵遣歸國

考異曰後魏序紀曰劉琨乞師救洛穆帝遣步騎二萬助之東海王越以洛陽饑荒不許按琨與丞相賸曰琨傾身竭辭北和猗盧遂引大衆躬啟戎行即具白太傅切陳愚見取賊之計聰宜時討勒不可縱而宰相意異所慮不同更憂苟晞馮嵩之徒而稽二寇之誅遣使折抑挫臣銳氣臣即解甲遣盧衆歸國若猗盧果遣衆赴洛琨賸安得不言也劉虎收餘衆西度河居朔方肆盧川

肆盧川在朔方

塞內後拓拔氏於其地置肆盧郡真君七年併入秀容郡魏收地形志秀容郡秀容縣有肆盧城

漢主

聰以虎宗室封樓煩公壬子以劉琨為平北大將軍

王浚為司空進鮮卑段務勿塵為大單于

單音蟬

京師

饑困日甚太傅越遣使以羽檄徵天下兵使入援京師

帝謂使者曰為我語諸征鎮今日尚可救後則無及矣

既而卒無至者

為于偽翻語牛倨翻卒子恤翻

征南將軍山簡遣督護

王萬將兵入援軍于涅陽

涅陽縣屬南陽郡應劭曰在涅水之陽師古曰涅音乃結

翻為王如所敗

敗補邁翻

如遂大掠沔漢進逼襄陽簡嬰城

自守荊州刺史王澄

澄時治江陵

自將欲援京師至沔口

水經

注零水上通梁州沔陽縣東逕新城郡之沔鄉縣謂之沔水又東歷宜城西山謂之沔溪東流合於夷水謂之

汴口楊正衡  
日汴音怡

聞簡敗衆散而還

還從宣翻  
又如字

朝議多欲遷

都以避難

朝直遙翻  
難乃旦翻

王衍以為不可賣車牛以安衆心

山簡為嚴嶷所逼自襄陽徙屯夏口

夏戶雅翻

石勒引兵

濟河將趣南陽

趣七喻翻

王如侯脫嚴嶷等聞之遣衆一萬

屯襄城以拒勒勒擊之盡俘其衆進屯宛北是時侯脫

據宛

宛於元翻

王如據穰

穰縣漢屬南陽郡晉屬義陽郡

如素與脫不協遣

使重賂勒結為兄弟說勒使攻脫

說輸芮翻

勒攻宛克之嚴

嶷引兵救宛不及而降

降戶江翻

勒斬脫囚嶷送于平陽盡

并其衆遂南寇襄陽攻拔江西壘壁三十餘所

勒既南寇襄陽

循漢而下

還趣襄城王如遣弟瑀襲勒勒迎擊滅之復

屯江西

復扶又翻江西大江之西也趣七喻翻

太傅越既殺王延等

見上

永嘉三年

大失衆望又以胡寇益盛內不自安乃戎服入見

見賢遍翻

請討石勒且鎮集兗豫帝曰今胡虜侵逼郊畿人

無固志朝廷社稷倚賴於公豈可遠出以孤根本對曰

臣出幸而破賊則國威可振猶愈於坐待困窮也十一

月甲戌越帥甲士四萬向許昌留妃裴氏世子毗及龍

驤將軍李憚右衛將軍何倫守衛京師

帥讀曰率  
憚於粉翻

防察

宮省以潘滔為河南尹摠留事越表以行臺自隨用太

尉衍為軍司朝賢素望悉為佐吏名將勁卒咸入其府

朝直遥翻  
將即亮翻

於是宮省無復守衛荒饑日甚殿內死人交

橫盜賊公行府寺營署並掘塹自守

塹七  
艷翻

越東屯項以

馮嵩為左司馬自領豫州牧竟陵王棼白帝遣兵襲何

倫不克帝委罪於棼棼逃竄得免

棼即東平王棼帝  
踐祚改封竟陵王

揚州都督周馥以洛陽孤危上書請遷都壽春太傅越

以馥不先白已而直上書大怒召馥及淮南太守裴頠

馥不肯行令頠帥兵先進

帥讀曰率

頠詐稱受越密旨襲馥

為馥所敗

敗補邁翻

退保東城

東城縣漢屬九江郡後漢屬下邳國晉屬淮南郡宋白曰

濠州定遠縣漢東城縣地

詔加張軌鎮西將軍都督隴右諸軍事

考異曰帝紀云安西按惠帝永興二年已加軌安西將軍今從本傳

光祿大夫傅祗太

常摯虞遺軌書

遺于季翻

告以京師饑匱軌遣參軍杜勲獻

馬五百匹耗布三萬匹

耗布織毳為布也耗吐敢翻

成太傅驤攻

譙登於涪城羅尚子宇及參佐素惡登不給其糧

涪音浮惡

烏路

益州刺史皮素怒欲治其罪

治直之翻

十二月素至巴

郡羅宇使人夜殺素建平都尉暴重殺宇巴郡亂驤知

登食盡援絕攻涪愈急士民皆熏鼠食之餓死甚衆無

一人離叛者驤子壽先在登所登乃歸之

永興元年羅尚掠得驤妻

及其子壽因在登所

三府官屬表巴東監軍南陽韓松為益州刺

史

三府平西將軍府益州刺史府兩戎校尉府皆羅尚無領者也監古銜翻

治巴東初帝

以王彌石勒侵逼京畿詔苟晞督帥州郡討之

帥讀曰率

會

曹嶷破琅邪

嶷魚力翻

北收齊地兵勢甚盛苟純閉城自守

晞還救青州與嶷連戰破之

永嘉元年荀晞討魏植留弟純守青州

是

歲寧州刺史王遜到官表李釗為朱提太守

朱提音銖時

時

寧州外逼於成內有夷寇城邑丘墟遜惡衣菜食招集

離散勞來不倦

勞力到翻來力代翻

數年之間州境復安誅豪右

不奉灋者十餘家以五苓夷昔為亂首

見八十五卷惠帝太安二年苓

力丁翻

擊滅之内外震服

漢主聰自以越次而立忌其

嫡兄恭因恭寢穴其壁間刺而殺之

刺七亦翻

漢太后單

氏卒

單音善

漢主聰尊母張氏為皇太后單氏年少美色

聰烝焉

下淫上曰烝上淫下曰報少詩照翻

太弟又屢以為言單氏慙恚

而死

恚於避翻

又寵由是漸衰然以單氏故尚未之廢也呼

延后言於聰曰父死子繼古今常道陛下承高祖之業

劉淵廟號高祖

太弟何為者哉陛下百年後絜兄弟必無種矣

種章勇翻

聰曰然吾當徐思之呼延氏曰事留變生太弟見

絜兄弟浸長

長知兩翻下齒長同

必有不安之志萬一有小人交

構其間未必不禍發于今日也

言又將殺聰

聰心然之

為元帝建

武元年聰殺又張本

又舅光祿大夫單冲泣謂又曰踈不間親主

上有意於河內王矣。殿下何不避之？又曰：河瑞之未主。

上自惟嫡庶之分。

問古覓翻分扶問翻惟思也

以大位讓。又，又以主。

上齒長，故相推奉天下者。高祖之天下，兄終弟及，何為不可？榮兄弟既壯，猶今日也。且子弟之間，親疎距幾？主

上寧可有此意乎？

聰讓又事見上又此言必不發於是年通鑑因呼延氏之言遂連書之幾

居豈翻

五年春正月壬申，荀晞為曹嶷所敗。

敗補邁翻

棄城奔高平。

高平縣舊屬梁國。晉為高平國。泗水逕其西，有高平山。山東西十里，南北五里，高四里。其山最高，頂上方平，故

謂之高山  
縣亦取名焉

石勒謀保據江漢參軍都尉張賓以為

不可會軍中饑疫死者太半乃渡沔寇江夏

夏戶雅翻

癸酉

拔之

乙亥成太傅驤拔涪城

涪音浮

獲譙登太保始拔

巴西殺文石於是成主雄大赦改元玉衡譙登至成都

雄欲宥之登詞氣不屈雄殺之巴蜀流民布在荆湘

間數為土民所侵苦

數所角翻

蜀人李驤聚衆據樂鄉反

此又

一李驤也非成  
太傅之李驤

南平太守應詹與醴陵令杜弢共擊破

之

醴陵縣屬長沙  
郡弢土刀翻

王澄使成都內史王機討驤

惠帝時  
蜀亂割

南郡之華容州陵監利三縣別立豐  
都一縣置成郡郡為成都王穎國  
驤請降降戶澄偽

許而襲殺之以其妻子為賞沈八千餘人於江流民益

怨忿蜀人杜疇等復反沈持林翻復扶又翻湘州參軍馮素與蜀

人汝班有隙汝姓也商有汝鳩汝方晉有汝寬汝齊言於刺史荀眺曰已

蜀流民皆欲反眺信之眺他弔翻欲盡誅流民流民大懼四

五萬家一時俱反以杜弢州里重望弢蜀郡人以才學著稱於西州弢他

翻共推為主弢自稱梁益二州牧領湘州刺史裴頠

求救於琅邪王睿睿使揚威將軍甘卓等攻周馥於壽

春馥衆潰奔項

考異曰帝紀戊寅睿使卓攻馥於壽春馥衆潰未知其為命卓之日與攻日

潰日故

關之 豫州都督新蔡王確執之馥憂憤而卒確騰之

子也 揚州刺史劉陶卒琅邪王睿復以安東軍諮祭

酒王敦為揚州刺史尋加都督征討諸軍事

去年敦奔建業

庚辰平原王幹薨 二月石勒攻新蔡殺新蔡莊王確

於南頓進拔許昌殺平東將軍王康 氏苻成隗文復

叛

苻成等歸羅尚見八十五卷惠帝太安二年復扶又翻

自宜都趣巴東

趣七喻翻建

平都尉暴重討之重因殺韓松自領三府事 東海孝

獻王越既與苟晞有隙

事始上卷  
永嘉二年

河南尹潘滔尚書劉

望等復從而譖之

復扶  
又翻

晞怒表求滔等首揚言司馬元

超為宰相不平

東海王越  
字元超

使天下淆亂苟道將豈可以

不義使之乃移檄諸州自稱功伐陳越罪狀帝亦惡越

專權多違詔命所留將士何倫等抄掠公卿逼辱公主

抄楚  
交翻

密賜晞手詔使討之晞數與帝文書往來

惡鳥路  
翻數所

角  
翻越疑之使遊騎於成臯間伺之

騎奇寄翻下  
伺伺相吏翻

果獲晞

使及詔書

使疏  
吏翻

乃下檄罪狀晞以從事中郎楊瑁為充

州刺史

瑁莫報翻

使與徐州刺史裴盾共討晞

盾徒損翻

晞遣騎

收潘滔滔夜遁得免執尚書劉曾侍中程延斬之越憂

憤成疾以後事付王衍三月丙子薨于項

考異曰帝紀五年正月

帝密詔苟晞討越乙未越遣楊瑁裴盾共擊晞三月戊午詔下越罪狀告方鎮討之以晞為大將軍丙子越薨晞傳晞移告諸州陳越罪狀帝惡越專權乃詔晞施檄六州協同大舉晞移諸征鎮帝又密詔晞討越晞復上表稱李初至奉被手詔卷甲長驅次于倉垣五年帝復詔晞陳越罪惡詔至之日宣告天下率齊大舉晞表稱輒遣王讚將兵詣項越使騎於成臯間獲晞使遂大構嫌隙晉春秋五年正月上遣李初詔晞討越按越若已得晞使則帝亦不能自安潘滔何倫等不容晏然在洛且滔等未去帝亦不敢明言使晞討越年月事迹既前

後參差如此今並置於越薨之時庶為不失

秘不發喪衆共推衍為元帥

帥所

類

衍不敢當以讓襄陽王範範亦不受範瑋之子也於

是衍等相與奉越喪還葬東海何倫李暉等聞越薨奉

裴妃及世子毗自洛陽東走城中士民爭隨之帝追貶

越為縣主以苟晞為大將軍大都督督青徐兗豫荆揚

六州諸軍事益州將吏共殺暴重表巴郡太守張羅

行三府事羅與隗文等戰死文等驅掠吏民西降於成

降戶

三府文武共表平西司馬蜀郡王異行三府事

益州

殘兵自不足以進取未及暮年而五易帥適為秦氏兼并之資耳

領巴郡太守初梁

州刺史張光會諸郡守於魏興共謀進取張燕唱言漢

中荒敗迫近大賊

近其事翻

克復之事當俟英雄光以燕受

鄧定賂致失漢中

事見上卷永嘉元年

今復沮衆

復扶又翻沮雅呂翻

呵出

斬之治兵進戰

呵虎何翻治直之翻

累年乃得至漢中綏撫荒殘

百姓悅服

光為梁州刺史見上卷二年

夏四月石勒率輕騎追太

傅越之喪及於苦縣寧平城

苦縣屬陳郡水經註寧平城在沙水北本前漢淮陽

國之寧平縣也後漢改淮陽為陳國晉省寧平縣而故城猶在賢曰寧平故城在今亳州谷陽縣西南騎奇寄

翻下

大敗晉兵縱騎圍而射之

敗補漢射而亦翻

將士十餘萬

人相踐如山無一人得免者執太尉衍襄陽王範任城

王濟武陵莊王澹

任音壬澹徒覽翻又徒濫翻

西河王喜梁懷王禧

齊王超

西河王喜宣帝弟西河繆王斌之後超齊王同之子

吏部尚書劉望廷尉

諸葛銓豫州刺史劉喬太傅長史庾敳等

敳魚間翻

坐之幕

下問以晉故衍具陳禍敗之由云計不在已且自言少

無宦情不豫世事因勸勒稱尊號冀以自免勒曰君少

壯登朝名蓋四海身居重任何得言無宦情邪破壞天

下非君而誰

少詩照翻  
壞音怪

命左右扶出衆人畏死多自陳

述獨襄陽王範神色儼然顧呵之曰今日之事何復紛

紜

復扶  
又翻

勒謂孔萇曰吾行天下多矣未嘗見此輩人當

可存乎

勒欲存之以諸人  
儀觀之清楚耳

萇曰彼皆晉之王公終不為

吾用勒曰雖然要不可加以鋒刃夜使人排牆殺之濟

宣帝弟子景王陵之子禧澹之子也剖越柩焚其尸曰

亂天下者此人也吾為天下報之故焚其骨以告天地

何倫等至洧倉

水經洧水東南過潁川長社縣分一支  
東流過許昌縣又東入汝倉城內俗以

是水為汶水故有汶倉之名蓋南水之卽閭耳

遇勒戰敗東海世子及宗室四

十八王皆沒於勒

考異曰東海王越傳云三十六王今從帝紀

何倫犇下邳

李暉犇廣宗

暉於粉翻

裴妃為人所掠賣久之渡江初琅邪

王睿之鎮建業裴妃意也故睿德之厚加存撫以其子

冲繼越後

漢趙固王桑攻裴盾殺之

盾時在彭城盾徒損翻

杜弢攻長沙五月荀眺棄城奔廣州弢追擒之於是弢

南破零桂東掠武昌殺二千石長吏甚衆

弢主刀翻

以太

子太傅傳祗為司徒尚書令荀藩為司空加王浚大司

馬侍中大都督督幽冀諸軍事南陽王模為太尉大都督張軌為車騎大將軍琅邪王睿為鎮東大將軍兼督揚江湘交廣五州諸軍事初太傅越以南陽王模不能

緩撫關中

時關中饑荒疾癘盜賊公行模不能制

表徵為司空將軍淳于

定說模使不就徵

說輸芮翻

模從之表遣世子保為平西中

郎將鎮上邽秦州刺史裴苞拒之模使帳下都尉陳安

攻苞苞犇安定太守賈足納之

足音雅

苟晞表請遷都

倉垣使從事中郎劉會將船數十艘

艘蘇刀翻

宿衛五百人

穀千斛迎帝帝將從之公卿猶豫左右戀資財遂不果

行既而洛陽饑困人相食百官流亡者什八九帝召公

卿議將行而衛從不備

從才用翻下導從同

帝撫手歎曰如何會

無車輿乃使傳祇出詣河陰治舟楫

河陰本漢平陰縣魏文帝改曰河陰

在洛陽東北屬河南郡治直之翻

朝士數十人導從

從才用翻

帝步出西掖

門至銅駝街

水經注洛陽城中太尉司徒兩坊間謂之銅駝街魏明帝置銅駝於闔闔南街即此

陸機洛陽記曰洛陽有銅駝街漢鑄銅駝二枚在宮南四會道相對俗語曰金馬門外集衆賢銅駝陌上集少

年為盜所掠不得進而還

藉使帝得至倉垣亦遺石勒禽矣

度支校尉

東郡魏浚率流民數百家保河陰之峽石

水經註河南新安縣東有

千秋亭亭東有雍谷溪回岫縈紆石路阻峽故亦有峽石之稱時劫掠得穀麥獻之帝

以為揚威將軍平陽太守度支如故

度徒洛翻

漢主聰使

前軍大將軍呼延晏將兵二萬七千寇洛陽比及河南

河南縣屬河南尹周東都王城郊廓也比必寐翻

晉兵前後十二敗死者三萬

餘人始安王曜王彌石勒皆引兵會之未至晏留輜重

於張方故壘

張方故壘在洛陽西七里重直用翻

癸未先至洛陽甲申攻

平昌門

平昌門洛城南面東頭第一門

丙戌克之遂焚東陽門及諸府

寺六月丁未朔晏以外繼不至俘掠而去帝具舟於洛水將東走晏盡焚之庚寅荀藩及弟光祿大夫組奔轅

轅

轅音環

辛卯王彌至宣陽門

宣陽門洛城南面東來第四門亦謂之謬門

壬

辰始安王曜至西明門丁酉王彌呼延晏克宣陽門入

南宮升太極前殿縱兵大掠悉收宮人珍寶帝出華林

園門欲奔長安漢兵追執之幽於端門曜自西明門入

屯武庫戌戌曜殺太子詮吳孝王晏竟陵王琳右僕射

曹馥尚書閭丘冲河南尹劉默等士民死者三萬餘人

遂發掘諸陵焚宮廟官府皆盡曜納惠帝羊皇后遷帝

及六璽於平陽

璽斯氏翻

石勒引兵出轅轅屯許昌光祿大

夫劉蕃尚書盧志犇并州

從劉琨也蕃琨之父也

丁未漢主聰大

赦改元嘉平以帝為特進左光祿大夫封平阿公

異曰考

帝紀聰以帝為會稽公載記三十國春秋云平阿公晉春秋云平河公河字蓋誤十六國三十國晉春秋明年二月乃封帝會稽公蓋先封平阿後進會稽帝紀闕畧今從諸書以侍中庾珉王儵為

光祿大夫珉數之兄也

數魚開翻

初始安王曜以王彌不待

已至先入洛陽怨之彌說曜曰

說輸芮翻下暇說同

洛陽天下之

中山河四塞城池宮室不假修營宜白主上自平陽徙

都之曜以天下未定洛陽四面受敵不可守不用彌策

而焚之彌罵曰屠各子豈有帝王之意邪

晉書曰北狄以部落為類

其入居塞內者有屠各等十九種皆有部落不相雜錯

屠各最豪貴故得為單于統理諸種屠各直於翻杜佑曰

頭曼冒頓即屠各種也

遂與曜有隙引兵東屯項關

陳郡項縣有項閭

前

司隸校尉劉曜說彌曰

曜他昆翻

今九州糜沸羣雄競逐將

軍於漢建不世之功又與始安王相失將何以自容不

如東據本州

彌青州東萊人

徐觀天下之勢上可以混壹四海

下不失鼎峙之業策之上者也彌心然之司徒傅祇

建行臺於河陰司空荀藩在陽城

陽城縣漢屬潁川郡晉屬河南郡

河

南尹華薈在城臯汝陰太守平陽李矩為之立屋輸穀

以給之薈歆之曾孫也

華戶化翻汝陰縣漢屬汝南郡魏分置汝陰郡後廢武帝泰始

二年復為郡薈烏外翻為于偽翻

藩與弟組族子中護軍崧薈與弟中

領軍恒建行臺於密

密縣漢屬河南郡晉屬滎陽郡

傳檄四方推琅邪

王睿為盟主藩承制以崧為襄城太守矩為滎陽太守

前冠軍將軍河南褚裒為梁國內史

冠古玩翻裒山立翻又所甲翻揚

威將軍魏浚屯洛北石梁塢劉琨承制假浚河南尹浚

詣荀藩諮謀軍事藩邀李矩同會矩夜赴之矩官屬皆

曰浚不可信不宜夜往矩曰忠臣同心何所疑乎遂往

相與結歡而去浚族子該聚衆據一泉塢

水經註洛水過盧氏縣南

又東逕一合塢南城在川北原上高二十丈南北東三

箱天險峭絕惟築西面即為全固一合之名起於是矣

劉曜之攻河南也晉將軍魏該奔於此該傳曰一泉塢在宜陽

藩以為武威將軍沈約志魏

置將軍四十號威

武第十無武威

詮且

東奔

領太子太傅都督中外諸軍錄尚書事自倉垣徙屯蒙

城

蒙縣屬梁國

撫軍將軍秦王業吳孝王之子荀藩之甥也

年十二南奔密

考異曰晉書愍帝諱鄴又改建鄴為建康按三十國晉春秋愍帝名子業或

作業又吳志孫權改秣陵為建業取興建基業為名皆不為鄴字今從之

藩等奉之南越許

昌

趣七喻翻

前豫州刺史天水閭鼎聚西州流民數千人於

密欲還鄉里荀藩以鼎有才而擁衆用鼎為豫州刺史

以中書令李紇

紇居登翻傳作李恒今從王浚傳

考異曰閭鼎

司徒左長史

彭城劉疇鎮軍長史周顗

東海王越子毗為鎮軍將軍以顗為長史顗魚豈翻

司

馬李述等為之參佐顓浚之子也時海內大亂獨江東

差安中國士民避亂者多南渡江鎮東司馬王導說琅

邪王睿收其賢俊與之共事睿從之辟掾屬百餘人

漢自

以來公府有掾有屬職官分紀曰掾屬當敦明信義肅清風俗非禮不言非法不行以訓羣吏說輸芮翻掾以

絹翻下同

時人謂之百六掾以前潁川太守勃海刁協為軍

諮祭酒前東海太守王承廣陵相卞壹為從事中郎江

寧令諸葛恢

壹苦本翻吳孫權改秣陵為建業晉平吳復曰秣陵武帝太康二年分秣陵立江寧

縣

歷陽參軍陳國陳頤為行參軍

頤居筠翻

前太傅掾庾亮

為西曹掾承渾之弟子恢靚之子

靚疾正翻

亮充之弟子也

江州刺史華軼

華戶化翻軼音逸

歆之曾孫也自以受朝廷

之命

軼永嘉中除江州

而為琅邪王睿所督多不受其教令郡

縣多諫之軼曰吾欲見詔書耳及睿承荀藩檄承制署

置官司改易長吏

長知兩翻

軼與豫州刺史裴憲皆不從命

睿遣揚州刺史王敦歷陽內史甘卓與揚烈將軍廬江

周訪合兵擊軼軼兵敗奔安成

吳孫皓寶鼎二年分豫章廬陵長沙立安成郡

宋白曰吉州安福縣本漢安成縣今縣西六十里有安成故城

訪追斬之及其五子裴

憲彝幽州睿以甘卓為湘州刺史周訪為尋陽太守又

以揚武將軍陶侃為武昌太守

吳孫權改鄂曰武昌晉武帝太康元年復立鄂

縣而武昌如故改吳之江夏曰武昌郡漢尋陽縣屬廬江郡其地在江北惠帝永興元年分廬江武昌立尋陽郡治豫章之柴桑

秋七月王浚設壇告類

告類祭也

天及五帝也

立皇太子

考異曰晉書初無其名劉琨與丞相賤曰浚設壇場有所建立稱皇太子

不知為誰

布告天下稱受中詔承制封拜備置百官列署征

鎮以荀藩為太尉琅邪王睿為大將軍浚自領尚書令

以裴憲及其壻棗嵩為尚書以田徽為兖州刺史李暉

為青州刺史

惲於粉翻

南陽王模使牙門趙染戍蒲坂

劉聽

在平陽欲窺關中蒲坂兵衝也坂音反

染求馮翊太守不得而怒帥衆降

漢

帥讀曰率降戶江翻

漢主聰以染為平西將軍八月聰遣染與

安西將軍劉雅帥騎二萬攻模于長安河內王粲始安

王曜帥大衆繼之染敗模兵於潼關長驅至下邳

敗補邁翻

下邳縣前漢屬京兆後漢省併入鄭縣桓帝復置晉屬馮翊郡應劭曰有上邳故稱下秦武公伐邾戎置宋白

曰四夷縣道記下邳縣東南二十五里有下邳故城在渭水北師古曰邳音圭

涼州將北宮純

自長安帥其衆降漢

將即亮翻

漢兵圍長安模遣淳于定出

戰而敗模倉庫虛竭士卒離散遂降於漢趙染送模於

河內王粲九月粲殺模

考異曰帝紀八月模遇害按劉琨上丞相牋曰平昌以九月

遇禍世子時鎮隴右故得無恙今以為據

關西饑饉白骨蔽野士民存者百

無一二聰以始安王曜為車騎大將軍雍州牧更封中

山王鎮長安

雍於用翻

以王彌為大將軍封齊公苟晞驕

奢苛暴前遼西太守閻亨續之子也數諫晞晞殺之

數所

角翻

從事中郎明預有疾

姓譜明秦大夫孟明之後為平原望姓

自舉入諫

晞怒曰我殺閻亨何關人事而輿病罵我

舉羊茹翻

預曰明

公以禮待預故預以禮自盡今明公怒預其如遠近怒明公何桀為天子猶以驕暴而亡況人臣乎願明公且

置是怒思預之言晞不從由是衆心離怨加以疾疫饑

饉石勒攻王纘於陽夏擒之

陽夏縣屬陳郡夏音賈

遂襲蒙城執

晞及豫章王端鎖晞頸以為左司馬漢主聰拜勒幽州

牧王彌與勒外相親而內相忌劉暉說彌使召曹嶷之

兵以圖勒

說輸芮鞠

彌為書使暉召嶷且邀勒共向青州暉

至東阿

東阿縣漢屬東郡晉屬濟北國

勒游騎獲之勒潛殺暉而彌不

知會彌將徐邈高梁輒引所部兵去彌兵漸衰

將即亮

彌

聞勒擒苟晞心惡之

惡鳥路翻

以書賀勒曰公獲苟晞而用

之何其神也使晞為公左彌為公右天下不足定也勒

謂張賓曰王公位重而言卑其圖我必矣賓因勸勒乘

彌小衰誘而取之

誘音酉

時勒方與乞活陳午相攻於蓬

關

蓬關在陳留浚儀縣班志曰蓬澤在河南開封縣東北臣贊曰今浚儀有蓬陂是也

彌亦與劉

瑞相持甚急彌請救於勒勒未之許張賓曰公常恐不

得王公之便今天以王公授我矣陳午小豎不足憂王

公人傑當早除之勒乃引兵擊瑞斬之彌大喜謂勒實

親已不復疑也冬十月勒請彌燕于已吾

已吾縣後漢屬陳留郡魏

晉省陳留風俗傳曰縣故宋地雜以陳楚之地故梁國寧陵縣之徙種龍鄉也以成哀之世戶至八九千冠帶之士求置縣永元十一年陳王削地以大棘鄉直陽鄉

自鴈隸之命以嘉名曰已吾猶有陳楚之俗焉

彌將往長史張嵩諫不聽酒酣勒手斬彌而并其衆表

漢主聰稱彌叛逆聰大怒遣使讓勒專害公輔有無君

之心然猶加勒鎮東大將軍督并幽二州諸軍事領并

州刺史以尉其心苟晞王讚潛謀叛勒勒殺之并晞弟

純勒引兵掠豫州諸郡臨江而還

還從宣翻又如字

屯于葛陂

續漢書郡國志汝南郡鮦陽縣有葛陂賢曰葛陂在今豫州新蔡縣西北

初勒之為人所掠

賣也

事見上卷惠帝永興二年

與其母王氏相失劉琨得之并其從

子虎送於勒因遺勒書曰

從才用翻遺于季翻下同

將軍用兵如神

所向無敵所以周流天下而無容足之地百戰百勝而

無尺寸之功者蓋得主則為義兵附逆則為賊衆故也

成敗之數有似呼吸吹之則寒噓之則溫今相授侍中

車騎大將軍領護匈奴中郎將襄城郡公將軍其受之

勒報書曰事功殊途非腐儒所知君當逞節本朝吾自

夷難為効

勒書意度雄爽此必張寶為之難乃旦翻

遺琨名馬珍寶厚禮其

使謝而絕之時虎年十七殘忍無度為軍中患勒白母

曰此兒凶暴無賴

應劭曰賴者恃也晉灼曰許慎曰賴利也無利入於家也或曰江淮之間

謂小兒多詐狡獪為無賴師古曰晉說是也

使軍人殺之聲名可惜不若自

除之母曰快牛為犢多能破車汝小忍之及長便弓馬

勇冠當時勒以為征虜將軍每屠城邑鮮有遺類

長知兩翻

冠古玩翻鮮息淺翻

然御衆嚴而不煩莫敢犯者指授攻討所向

無前勒遂寵任之

石虎始此為虎誅夷勒諸子張本

勒攻滎陽太守李

矩矩擊却之

初南陽王模以從事中郎索綝為馮翊

太守綝靖之子也模死綝與安夷護軍金城麴允頻陽

令梁肅俱奔安定

索昔各翻姓也綝丑林翻頻陽縣屬馮翊郡秦厲公置應劭曰在頻水之

陽杜佑曰京兆同官縣漢殺栩縣晉為頻陽縣時綝等自京兆南山奔安定安夷護軍蓋亦置司於長安時

安定太守賈疋與諸氏羌皆送任子於漢綝等遇之於

陰密擁還臨涇

陰密縣屬安定郡商之密國詩所謂密人不恭敢距大邦者也臨涇縣時為安

定郡治所與疋謀興復晉室疋從之乃共推疋為平西將軍

率衆五萬向長安雍州刺史麴特新平太守竺恢皆不

降於漢

特與恢同守新平雍於用翻

聞足起兵與扶風太守梁綜帥

衆十萬會之

帥讀曰率

綜肅之兄也漢河內王粲在新豐使

其將劉雅趙染攻新平不克索綝救新平大小百戰雅

等敗退中山王曜與足等戰於黃丘

黃丘在馮翊雲陽縣黃嶽山下

曜

衆大敗足遂襲漢梁州刺史彭蕩仲殺之

蕩仲安定盧水胡也據後

蕩仲子天護漢以為涼州刺史此梁當作涼

麴特等擊破粲於新豐粲還平

陽於是足等兵勢大振闕西胡晉翕然響應閭鼎欲奉

秦王業入關據長安以號令四方河陰令傅暢祇之子也亦以書勸之鼎遂行荀藩劉疇周顗李述等皆山東

人不欲西行中塗逃散鼎遣兵追之不及殺李緱等

居經

登翻鼎與業自宛趣武關遇盜於上洛

上洛縣漢屬宏農郡漢元鼎四年置

居洛水上因以為名晉初改為京兆南部武帝泰始二年分京兆南部置上洛郡杜佑曰上洛漢長利縣宛於

元翻趣七喻翻

士卒敗散收其餘衆進至藍田使人告賈足足

遣兵迎之十二月入于雍城

雍於用翻

使梁綜將兵衛之周

顗奔琅邪王睿睿以顗為軍諮祭酒前騎都尉譙國桓

彝亦避亂過江見睿微弱謂顓曰我以中州多故來此

求全而單弱如此將何以濟既而見王導共論世事退

謂顓曰向見管夷吾無復憂矣

以王導比管仲也

諸名士相與

登新亭遊宴

金陵覽古曰新亭在江寧縣十里近臨江渚按新亭蓋近勞勞亭

周顓中

坐歎曰風景不殊舉目有江河之異

言洛都遊宴多在河濱而新亭臨江

渚也坐徂卧翻

因相視流涕王導愀然變色曰

愀七小翻

當共戮力

王室克復神州

戰國時騶衍以為中國者於天下乃八十一分居其一分耳中國名曰赤縣神

州赤縣神州內自有九州禹之所序九州是也孔誦達曰按地統書括地象云地中央曰崑崙又云其東南方

五十里曰神州以此言之崑崙在西北別統四方九州其神州者是崑崙東南一州耳於一州中更分九州則禹貢之九州是也又隋祭北郊有神州迎州冀州戎州拾州柱州宮州咸州揚州從祀其崑崙所統之四方九

州

何至作楚囚對泣邪衆皆收淚謝之陳頤遺王導書

曰

顧紆倫翻又居巧翻

中華所以傾弊者正以取才失所先白望

而後實事

白望猶虛名也

浮競驅馳互相貢薦言重者先顯言

輕者後叙遂相波扇

以水為譬也波者水之動也風起則波生相扇而動

乃至陵

遲加有莊老之俗傾惑朝廷養望者為弘雅政事者為

俗人王職不卹灋物墜喪

喪息浪翻

夫欲制遠先由近始今

宜改張

漢董仲舒論政曰譬猶琴瑟必改而更張之乃可鼓也

明賞信罰拔卓茂

於密縣

事見四十卷漢光武建武元年

顯朱邑於桐鄉

朱邑為舒桐鄉嗇夫廉平不苛

以愛利為行漢宣帝舉而用之官至大司農

然後大業可舉中興可冀耳導

不能從

劉琨長於招懷而短於撫御一日之中雖歸

者數千而去者亦相繼琨遣子遵請兵於代公猗盧又

遣族人高陽內史希合衆於中山幽州所統代郡上谷

廣寧之民多歸之

廣寧縣漢屬上谷郡晉武帝太康中分立廣寧郡唐屬媯州界

衆至

三萬王浚怒遣燕相胡矩督諸軍

燕於賢翻相息亮翻

與遼西公

段疾陸眷共攻希殺之驅略三郡士女而去疾六眷務

勿塵之子也猗盧遣其子六修將兵助琨戍新興

考異曰

晉春秋作利孫按利孫即六修也胡語訛轉焉耳余按孔穎達曰聲相近者聲轉字異

琨牙門將

邢延以碧石獻琨琨以與六修六修復就延求之

復扶又翻

不得執延妻子延怒以所部兵襲六修六修走延遂以

新興附漢請兵以攻并州李臻之死也

事見上永嘉三年

遼

東附塞鮮卑素喜連本九津託為臻報仇

素喜連本九津二部也為

于偽翻

攻陷諸縣殺掠士民屢敗郡兵

敗補邁翻

連年為寇東

夷校尉封釋不能討請與連和連津不從民失業歸慕

容龐者甚衆龐稟給遣還願留者即撫存之龐少子鷹

揚將軍翰

龐戶罪翻據載記翰於魃為庶兄魃龐第三子則翰非少子也少詩照翻

言於龐

曰自古有為之君莫不尊天子以從民望成大業今連

津外以龐本為名內實幸災為亂封使君已誅本請和

誅龐

本見上永嘉三年龐皮江翻

而寇暴不已中原離亂州師不振

州師

謂平州之兵東夷校尉所統者是也

遼東荒散莫之救恤單于不若數其

罪而討之

龐自稱鮮卑大單于

上則興復遼東下則并吞二部

二部

謂素喜連及木九津也忠義彰於本朝朝直私利歸於我國此霸

王之基也庖笑曰孺子乃能及此乎遂帥衆東擊連津

帥讀曰率以翰為前鋒破斬之盡併二部之衆得所掠民三

千餘家及前歸庖者悉以付郡遼東賴以復存復扶又翻封

釋疾病屬其孫奕於庖屬之欲翻釋卒庖召奕與語說之曰

奇士也補小都督釋子冀州主簿俊幽州參軍抽來奔

喪說與悅同俊丑緣翻又七倫翻庖見之曰此家挾挾千斤健也挾羽敏翻

說文從高而下也健居言翻犛牛也言千斤之健人間不可多得若從天而下也以道不通喪


不得還皆留仕鹿鹿以抽為長史俊為參軍

史言封氏諸子遂為

慕容佐命之臣

王浚以妻舅崔慆為東夷校尉慆琰之曾孫也

為慆與慕容氏構慆張本崔琰事曹公慆音秘



資治通鑑卷八十七

欽定四庫全書

史部

資治通鑑卷八十八

九

詳校官編修<sub>臣</sub>范來宗

洗馬<sub>臣</sub>王坦修覆勘

總校官知縣<sub>臣</sub>楊懋珩

校對官中書<sub>臣</sub>孫溶

膳錄監生<sub>臣</sub>戴祖覃

欽定四庫全書

資治通鑑卷八十八

宋司馬光撰

胡三省音註

晉紀十

起玄默迄澹闇昭陽作壘凡二年

孝懷皇帝下

永嘉六年春正月漢呼延后卒謚曰武元漢鎮北將

軍靳冲平北將軍卜瑒寇并州

靳居焮翻姓也瑒况羽翻

辛未圍晉

陽甲戌漢主聰以司空王育尚書令任顗女為左右

昭儀

任音壬顯魚豈翻

中軍大將軍王彰中書監范隆左僕射

馬景女皆為夫人右僕射朱紀女為貴妃皆金印紫綬

綬音

受聰將納太保劉殷女太弟又固諫聰以問太宰延

年太傅景皆曰太保自云劉康公之後與陛下殊源

劉康

公周之卿士食采於劉其後因以為氏劉聰匈奴之後以漢之甥冒姓劉氏故云殊源

納之何害

聰悅拜殷二女英娥為左右貴嬪位在昭儀上

嬪毗實翻又

納殷女孫四人皆為貴人位次貴妃於是六劉之寵傾

後宮聰希復出外

復扶又翻

事皆中黃門奏決故新野王

歆牙門將胡亢聚衆於竟陵亢音剛自號楚公寇掠荆土

以歆南蠻司馬新野杜曾為竟陵太守曾勇冠三軍能

被甲游於水中

為曾亂荊州張本冠古玩翻被皮義翻

二月壬子朔日

有食之石勒築壘於葛陂

皇覽曰汝南郡鮦陽縣有葛陂賢曰葛陂在今豫州

新蔡縣西北

課農造舟將攻建業琅邪王睿大集江南之衆

於壽春以鎮東長史紀瞻為揚威將軍都督諸軍以討

之

睿為鎮東大將軍署瞻長史

會大雨三月不止勒軍中饑疫死者

大半聞晉軍將至集將佐議之右長史刁膺請先送款

於睿求掃平河朔以自贖俟其軍退徐更圖之勒愀然

長嘯

愀子小翻

中堅將軍夔安請就高避水

中堅將軍蓋石勒所置姓譜夔

往春秋夔子之後

勒曰將軍何怯邪孔萇等三十餘將請各將

兵分道夜攻壽春斬吳將頭據其城食其粟要以今年

破丹陽定江南勒笑曰是勇將之計也

言其不逆計勝敗但勇於赴敵

耳將即亮翻

各賜鎧馬一疋

鎧可亥翻疋僻吉翻

顧謂張賓曰於君意

何如賓曰將軍攻陷京師囚執天子殺害王公妻略妃

主擢將軍之髮不足以數將軍之罪

擢拔也拔其髮以數其罪猶不足言

其罪多也  
數所具翻

奈何復相臣奉乎

復扶  
又翻

去年既殺王彌不當

來此今天降霖雨於數百里中示將軍不應留此也鄴

有三臺之固

水經註鄴城西北有三臺皆因城為之基  
漢建安十五年魏武所起中曰銅臺高十

丈其後石虎更增二丈南則金虎  
臺高八丈北則冰井臺亦高八丈

西接平陽

謂近漢都  
可以壯聲

援

山河四塞宜北徙據之以經營河北河北既定天下

無處將軍之右者矣

處昌  
呂翻

晉之保壽春畏將軍往攻之

耳彼聞吾去喜於自全何暇追襲吾後為吾不利邪

自古

國於東南率多為自保之計亦自量  
其力之不足以進也賓料之審矣

將軍宜使輜重從

北道先發將軍引大兵向壽春輜重既遠

重直用翻

大兵徐

還何憂進退無地乎勒攘袂鼓髯曰張君計是也責刁

膺曰君既相輔佐當共成大功奈何遽勸孤降

降戶江翻此

策應斬然素知君怯特相宥耳於是黜膺為將軍擢賓

為右長史號曰右侯勒引兵發葛陂遣石虎帥騎二千

向壽春

帥讀曰率騎奇寄翻

遇晉運船虎將士爭取之為紀瞻所

敗

敗補邁翻

瞻追奔百里前及勒軍勒結陳待之

陳讀曰陣

瞻不

敢擊退還壽春

漢主聰封帝為會稽郡公

會工外翻

加儀

同三司聽從容謂帝曰卿昔為豫章王朕與王武子造

卿武子稱朕於卿

從于容翻王濟字武子造七到翻

卿言聞其名久矣

贈朕柘弓銀研

研與硯同

卿頗記否帝曰臣安敢忘之但恨

爾日不早識龍顏聰曰卿家骨肉何相殘如此帝曰大

漢將應天受命故為陛下自相驅除

為于偽翻

此殆天意非

人事也且臣家若能奉武皇帝之業九族敦睦陛下何

由得之聰喜以小劉貴人妻帝

妻七細翻

曰此名公之孫也

卿善遇之代公猗盧遣兵救晉陽三月乙未漢兵敗

走卜珣之卒先奔斬冲擅收珣斬之聰大怒遣使持節

斬冲

使疏更翻

聰納其舅子輔漢將軍張寔二女徽光麗

光為貴人

此別一張寔非河西張軌之子

太后張氏之意也

張氏淵之側室生聰

尊為太后

涼州主簿馬鮪說張軌

鮪符方翻說輸芮翻

宜命將出師

翼戴帝室軌從之馳檄關中共尊輔秦王且言今遣前

鋒督護宋配帥步騎二萬徑趨長安

帥讀曰率趨七喻翻

西中郎

將寔帥中軍三萬武威太守張璠帥胡騎二萬絡繹繼

發

璠它典翻絡繹相繼不絕之意

夏四月丙寅征南將軍山簡卒

漢王聰封其子敷為渤海王驥為濟南王鸞為燕王鴻

為楚王勤為齊王

勦音邁

權為秦王操為魏王持為趙王

聰以魚蟹不供斬左都水使者襄陵王攄

襄陵縣漢屬河東郡

晉屬平陽郡觀後所謂王公則攄亦劉氏也攄抽居翻

作溫明徽光二殿未成

斬將作大匠望都公靳陵觀漁於汾水昏夜不歸中軍

大將軍王彰諫曰比觀陛下所為臣實痛心疾首

比毗至翻

今愚民歸漢之志未專思晉之心猶盛劉琨咫尺刺客

縱橫

謂平陽去晉陽不遠也縱子容翻

帝王輕出一夫敵耳願陛下改

往修來則億兆幸甚聽大怒命斬之王夫人叩頭乞哀

乃囚之

王夫人  
彰女也

太后張氏以聽刑罰過差三日不食太

弟又單于榮輿觀切諫聰怒曰吾豈桀紂而汝輩生來

哭人太宰延年太保殷等公卿列侯百餘人皆免冠涕

泣曰陛下功高德厚曠世少比

少詩  
沼翻

往也唐虞今則陛

下而頃來以小小不供亟斬王公直言忤旨遽囚大將

王公謂劉攄  
王彰亟欺冀翻忤五故翻

此臣等竊所未解

解戶買  
翻曉也

故

相與憂之忘寢與食聰慨然曰朕昨大醉非其本心微

公等言之朕不聞過各賜帛百匹使侍中持節赦彰曰

先帝賴君如左右手君著勲再世朕敢忘之此段之過

希君蕩然君能盡懷憂國朕所望也今進君驃騎將軍

定襄郡公

驃匹  
妙翻

後有不逮幸數匡之

數所  
角翻

王彌既死

事見上  
卷上年

漢安北將軍趙固平北將軍王桑恐為石勒所

并欲引兵歸平陽軍中乏糧士卒相食乃自砮磽津西

渡

砮丘交翻  
磽牛交翻

劉琨以兄子演為魏郡太守鎮鄴桑恐演

邀之遣長史臨深為質於琨

姓譜臨姓大臨  
之後質音致

琨以固為

雍州刺史

雍於用翻下同

桑為豫州刺史

賈疋等圍長安數

月漢中山王曜連戰皆敗驅掠士女八萬餘口奔于平

陽秦王業自雍入于長安

雍於用翻

五月漢主聰貶曜為龍

驤大將軍行大司馬

驤思特翻

聰使河內王粲攻傅祗於三

渚

據祗傳祗屯盟津小城盟津河平侯祠有二渚又有洵渚故亦曰三渚

右將軍劉參攻

郭默於懷會祗病薨城陷粲遷祗子孫并其士民二萬

餘戶于平陽六月漢主聰欲立貴嬪劉英為皇后張

太后欲立貴人張徽光聰不得已許之英尋卒漢大

昌文獻公劉殷卒

宋白曰隰川隰川縣漢蒲子縣劉淵僭亂置大昌郡

殷為相不

犯顏忤旨

忤五故翻

然因事進規補益甚多漢主聰每與羣

臣議政事殷無所是非羣臣出殷獨留為聰敷暢條理

商榷事宜

商度也榷者舉其略也為于偽翻榷古岳翻

聰未嘗不從之殷常

戒子孫曰事君當務幾諫凡人尚不可面斥其過況萬

乘乎夫幾諫之功無異犯顏但不彰君之過所以為優

耳

幾諫者見微而諫也侯希聖曰事君有顯諫者有幾諫者然而溫柔忠厚者其說多行計直強勁者其說

多忤夫是以貴幾諫也幾居布翻乘繩證翻

官至侍中太保錄尚書賜劔履

上殿入朝不趨乘輿入殿然殷在公卿間常恂恂有卑讓之色故能處驕暴之國保其富貴不失令名以壽考

自終

處昌呂翻

漢主聰以河間王易為車騎將軍彭城王

翼為衛將軍並典兵宿衛高平王攄為征南將軍鎮離

石

攄芳回翻

濟南王驥為征西將軍築西平城以居之

西平城當

築於平陽西濟子禮翻

魏王操為征東將軍鎮蒲子趙固王桑

自懷求迎於漢漢主聰遣鎮遠將軍梁伏疵將兵迎之未至長史臨深將軍牟穆帥衆一萬叛歸劉演固隨疵

而西

疵疾移翻帥讀曰率下同

桑引其衆東奔青州固遣兵追殺之

於曲梁

曲梁縣屬廣平郡曹魏置廣平郡始曲梁城劉昫曰唐洺州永年縣漢曲梁縣地也

桑將

張鳳帥其餘衆歸演聰以固為荊州刺史領河南太守

鎮洛陽

石勒自葛陂北行所過皆堅壁清野虜掠無

所獲軍中饑甚士卒相食至東燕

據水經東燕城在酸棗縣東河水自酸棗

東北過延津又逕東燕縣故城北

余攷兩漢志東郡有燕縣無東燕縣其即是歟魏收地形志東燕縣晉屬濮

陽國賢曰東燕故城今滑州胙城縣燕於賢翻

聞汲郡向冰聚衆數千壁枋頭

水經淇水至黎陽入河在遮官亭西十八里漢建安九年魏武於水口下大枋木以成堰遏淇水東入白溝以

通漕運故時人號其處曰枋頭杜佑曰枋頭在今汲郡衛縣界宋白曰枋頭城在今衛縣南去河八里向式亮

翻姓也  
枋音方  
勒將濟河恐冰邀之張賓曰聞冰船盡在瀆中

未上  
未上者未上岸船不用則推之登陸使遠水而燥他日輕便於駕用上時掌翻  
宜遣輕兵

間道襲取以濟大軍  
間古  
大軍既濟冰必可擒也秋七

月勒使支雄孔萇自文石津縛筏潛渡取其船勒引兵

自棘津濟河  
水經河水逕東燕縣故城北河水於是有棘津之名  
擊冰大破之盡

得其資儲軍執復振遂長驅至鄴劉演保三臺以自固

臨深牟穆等復帥其衆降於勒  
復扶又翻帥讀曰率並下同降戶江翻下同

諸將欲攻三臺張賓曰演雖弱衆猶數千三臺險固攻

之未易猝拔

易以  
跋翻

捨而去之彼將自潰方今王彭祖劉

越石公之大敵也

王浚字彭祖  
劉琨字越石

宜先取之演不足顧也

且天下饑亂明公雖擁大兵遊行羈旅人無定志非所

以保萬全制四方也不若擇便地而據之廣聚糧儲西

稟平陽以圖幽并

幽王浚  
并劉琨

此霸王之業也邯鄲襄國形

勝之地

邯鄲縣漢屬趙國晉屬廣平襄國縣秦為信都  
項羽改曰襄國漢屬趙國晉屬廣平而信都別

為縣前漢屬信都國後漢屬安平國邯鄲音寒丹  
宋白曰隋改襄國為龍岡縣唐為邢州所治也

請擇

一而都之勒曰右侯之計是也遂進據襄國賓復言於

勒曰今吾居此彭祖越石所深忌也恐城塹未固資儲

未廣二寇交至

塹七  
艷翻

宜亟收野穀且遣使至平陽具陳

鎮北之意

使疏吏  
翻下同

勒從之分命諸將攻冀州郡縣壁壘

多降運其穀以輸襄國且表於漢主聰聰以勒為都督

冀幽并營四州諸軍事

營州不在晉太原地志十九州  
之數晉地理志咸寧二年分昌

黎遼東玄菟帶方樂浪等郡國五置平州至慕容熙據  
和龍始於宿軍置營州以刺史鎮之拓拔魏置營州於  
和龍勒時未有營州也郡國志

營州地當營室分故曰營州

冀州牧進封上黨公

劉琨移檄州郡期以十月會平陽擊漢琨素奢豪喜聲

色

喜許記翻

河南徐潤以音律得幸於琨琨以為晉陽令潤

驕恣干預政事護軍令狐盛數以為言

令狐之令力丁翻數所角翻

且勸琨殺之琨不從潤譖盛於琨琨收盛殺之琨母曰

汝不能駕御豪傑以恢遠略而專除勝已禍必及我盛

子泥奔漢具言虛實漢主聰大喜遣河內王粲中山王

曜將兵寇并州以令狐泥為鄉導

鄉讀曰嚮

琨聞之東出收

兵於常山及中山使其將郝詵張喬將兵拒粲

郝呼各翻

且

遣使求救於代公猗盧詵喬俱敗死粲曜乘虛襲晉陽

太原太守高喬并州別駕郝聿以晉陽降漢

考異曰  
劉琨傳曰

屬龐醇降于聰鴈門烏丸復反琨親出禦之粲乘虛襲取晉陽按琨上太子牋曰聰以七月十六日復決計送死臣即自東下率中山常山之卒並合樂平上黨諸軍未旋之間而晉陽傾潰十六國春秋亦云琨收兵常山

本傳  
誤也

八月庚戌琨還救晉陽不及帥左右數十騎奔常

山辛亥粲曜入晉陽壬子令狐泥殺琨父母粲曜送尚

書盧志侍中許遐太子右衛率崔瑋于平陽聰復以曜

為車騎大將軍以前將軍劉豐為并州刺史鎮晉陽九

月聰以盧志為太弟太師崔瑋為太傅謝遐為太保高  
喬令狐泥皆為武衛將軍 己卯漢衛尉梁芬奔長安

辛巳賈足等奉秦王業為皇太子

考異曰懷帝紀云賈足討劉粲於

三輔走之關中小定奉秦王為太子按賈足等以永嘉  
五年攻劉粲于新豐粲敗還平陽奉秦王入雍城六年  
三月劉曜奔長安走秦王入長安漢兵皆已  
退矣秦王為太子時劉粲方在晉陽懷紀誤 建行臺於

長安祭壇告類

告類或攝或即位祭天之禮舜之攝也  
肆類于上帝孔安國注曰類謂攝位事

類遂以攝告天及五帝湯黜夏  
命昭告于上天神后皆其事也 建宗廟社稷大赦以閭

鼎為太子詹事總攝百揆

太子詹事統攝宮僚時太子  
建行臺故以詹事總百揆時

位號未正其實  
丞相之職也

加賈疋征西大將軍以秦州刺史南陽

王保為大司馬命司空荀藩督攝遠近光祿大夫荀組

領司隸校尉行豫州刺史與藩共保開封

開封縣漢屬河南郡晉屬

榮陽郡

秦州刺史裴苞據險以拒涼州兵張寔宋配等

擊破之苞奔桑凶塢冬十月漢主聰封其子恒為代

王恒戶登翻

暹為吳王朗為潁川王臯為零陵王旭為丹陽

王京為蜀王坦為九江王晃為臨川王以王育為太保

王彰為太尉任顗為司徒

顗魚豈翻

馬景為司空朱紀為尚

書令范隆為左僕射呼延晏為右僕射 代公猗盧遣

其子六修及兄子普根將軍衛雄范班箕澹帥眾數萬

為前鋒以攻晉陽

澹徒覽翻又徒濫翻 國春秋云遣其子利孫宥六須載記

考異曰十六

云賓六須劉琨集云左右賢王又云右賢王撲速根本從後魏書 考異又曰箕澹十六國春秋後魏書作姬

澹今從猗盧自帥眾二十萬繼之劉琨收散卒數千為

之鄉導

鄉讀曰衛

六修與漢中山王曜戰於汾東曜兵敗隆

馬中七創

中竹仲翻創初良翻下同

討虜將軍傳虎以馬授曜曜不

受曰卿當乘以自免吾創已重自分死此

分扶問翻

虎泣曰

虎蒙大王識拔至此常思效命今其時矣且漢室初基

天下可無虎不可無大王也乃扶曜上馬驅令渡汾自

還戰死曜入晉陽夜與大將軍粲鎮北大將軍豐掠晉

陽之民踰蒙山而歸

五代志太原郡石艾縣有蒙山魏收曰石艾縣即漢晉之上艾縣也

晉志上艾縣屬樂平郡又據五代志晉陽縣有蒙山此蓋蒙山跨晉陽石艾二縣界也

十一月猗

盧追之戰於藍谷

藍谷在蒙山西南

漢兵大敗擒劉豐斬邢延

等三千餘級

邢延叛琨見上卷五年

伏尸數百里猗盧因大獵壽

陽山

壽陽山在樂平壽陽縣魏收地形志作壽陽縣此縣蓋晉置也宋白曰壽陽縣本漢榆次縣地晉置

壽陽縣

陳閱皮肉山為之赤劉琨自營門步入拜謝固請

進軍猗盧曰吾不早來致卿父母見害誠以相愧今卿

已復州境吾遠來士馬疲弊且待後舉劉聰未可滅也

遺琨馬牛羊各千餘足車百乘而還遺于季翻留其將

箕澹段繁等戍晉陽琨徙居陽曲陽曲縣屬太原郡在晉陽北招集

亡散盧諶為劉粲參軍亡歸琨諶時翻漢人殺其父志考

異曰劉聰載記志勸太弟又作亂被誅按志勸成都王  
頡起義兵諶頡攻長沙王又忠義敦篤始終不虧非勸

又作亂者也及弟謚詵贈傅虎幽州刺史十二月漢

主聰立皇后張氏以其父寔為左光祿大夫 彭仲蕩

之子天護帥羣胡攻賈足天護陽不勝而走足追之夜

墜澗中天護執而殺之

足音雅足殺彭仲蕩事見上卷五年考異曰帝紀曰足討賊張

連遇害足傳天護攻之足敗走隆澗死今從十六國春秋 漢以天護為涼州刺史衆

推始平太守麴允領雍州刺史閻鼎與京兆太守梁綜

爭權鼎遂殺綜麴允與撫夷護軍索綝馮翊太守梁肅

合兵攻鼎鼎出犇雍為氏竇首所殺

胡羯方強賈閻麴索降心相從協力

以輔晉室猶懼不能全況自相屠乎長安之敗徵見於此矣雍於用翻

廣平游綸張豺

擁衆數萬據苑鄉

姓譚游廣平望姓鄭公子偃字子游其後以為氏魏收志廣平郡任縣有

范鄉城宋白曰任縣後漢南縣地後趙石氏於此置苑鄉縣唐為任縣屬邢州受王浚假署

假署者承制權宜而補署假以職名石勒遣夔安支雄等七將攻之破其

外壘浚遣督護王昌帥諸軍及遼西公段疾陸眷

考異曰石

勒載記及後魏書作就陸眷今從王浚傳

疾陸眷弟匹磾文鵞從弟末秬

碑丁

奚翻從才用翻考異曰後魏書作未破今從王浚傳

部衆五萬攻勒於襄國疾

陸眷屯于渚陽

班固地理志禹貢絳水在信都入海水經注絳瀆北逕信都城東散入渚渚西

至信都城東連于廣川縣張甲故瀆同歸于海疾陸眷蓋屯是渚之陽也勒遣諸將出戰皆

為疾陸眷所敗

敗補邁翻

陸眷大造攻具將攻城勒衆甚懼

勒召將佐謀之曰今城塹未固糧儲不多彼衆我寡外

無救援吾欲悉衆與之決戰何如諸將皆曰不如堅守

以疲敵待其退而擊之張賓孔甚曰鮮卑之種

種章勇翻

段

氏最為勇悍

悍下罕翻又疾肝翻

而未桎尤甚其銳卒皆在未桎

所令聞疾陸眷刻日攻北城其大衆遠來戰鬪連日謂

我孤弱不敢出戰意必懈惰

懈古隘翻

宜且勿出示之以怯

鑿北城為突門二十餘道

墨子備突篇曰城百步一突門突門用車兩輪以木束之

塗其上維置突門內度門廣狹之令人入門四尺中置  
室突門旁為橐充竈狀又置艾冠即入下輪而塞之鼓  
橐薰之也杜佑曰突門鑿城內為閘門多少臨事令五  
六寸勿穿或於中夜於敵初來營列未定精騎從突門  
躍出擊其無  
備襲其不意  
俟其來至列守未定出其不意直衝未柅

帳彼必震駭不暇為計破之必矣未柅敗則其餘不攻  
而潰矣勒從之密為突門既而疾陸眷攻北城勒登城  
望之見其將士或釋仗而寢乃命孔萇督銳卒自突門  
出擊之  
見其釋仗而寢知其懈也乃城上鼓譟以助其  
命萇出戰所謂見兵執者也

勢萇攻未柅帳不能克而退未柅逐之入其壘門為勒

衆所獲疾陸眷等軍皆退走長乘勝追擊枕尸三十餘

里

枕職任翻

獲鎧馬五千匹

鎧可亥翻

疾陸眷收其餘衆還屯渚

陽勒質末桎

質音致下同

遣使求和於疾陸眷

使疏吏翻

疾陸眷

許之文鶩諫曰今以末桎一人之故而縱垂亡之虜得

無為王彭祖所怨招後患乎疾陸眷不從復以鎧馬金

銀賂勒

復扶又翻下同

且以末桎三弟為質而請末桎諸將皆

勸勒殺末桎勒曰遼西鮮卑健國也與我素無仇讐為

王浚所使耳今殺一人而結一國之怨非計也歸之必

深德我不復為浚用矣乃厚以金帛報之遣石虎與疾

陸眷盟于渚陽結為兄弟疾陸眷引歸王昌不能獨留

亦引兵還薊勒召末柸與之燕飲誓為父子遣還遼西

末柸在塗日南嚮而拜者三由是段氏專心附勒王浚

之勢遂衰

孫武所謂親而離之此其近之矣然段氏專心附勒者末柸也若匹碑文驚則終身與勒

抗

游綸張豺請降於勒

降戶江翻

勒攻信都殺冀州刺史王

象浚復以邵舉行冀州刺史保信都是歲大疫王

澄少與兄衍名冠海內

少詩照翻冠古玩翻

劉琨謂澄曰卿形雖

散朗而內實動俠

言其心輕易動又豪俠自喜也

以此處世

處昌呂翻

難得

其死及在荊州悅成都內史王機謂為已亞使之內綜

心膂

綜機縷也所以持經而施緯使不失其條理者也故謂能統理衆事者為綜理

外為爪牙

澄屢為杜弼所敗

弼土刀翻敗補邁翻

望實俱損猶傲然自得無

憂懼之意但與機日夜縱酒博奕由是上下離心南平

太守應詹屢諫不聽澄自出軍擊杜弼軍于作塘

作塘縣後

漢屬武陵郡晉屬南平郡五代志澧陽郡孱陵縣舊曰作塘

故山簡參軍王冲擁衆

迎應詹為刺史詹以冲無賴棄之還南平

南平郡治江安

冲乃

自稱刺史澄懼使其將杜弢守江陵徙治孱陵

孱陵縣漢屬武

陵郡晉屬南平郡應劭曰孱音踐師古音士連翻劉昫曰澧州安鄉縣漢孱陵地

尋又犇沓中

此沓中非姜維種麥之沓中蓋在孱陵之東

別駕郭舒諫曰使君臨州雖無

異政然一州人心所繫今西收華容之兵足以擒此小

醜

華容縣屬南郡

奈何自棄遽為奔亡乎澄不從欲將舒東下

舒曰舒為萬里紀綱

舒為州別駕故自謂萬里紀綱

不能匡正令使君

犇亡誠不忍渡江乃留屯沌口

水經註沌水南通沔陽縣之太白湖湖水東南

通江謂之沌口沌持充翻

琅邪王睿聞之召澄為軍諮祭酒以軍諮

祭酒周顓代之澄乃赴召顓始至州

顓里翻

建平流民傳

密等叛迎杜弼弼別將王真襲沔陽

沔陽梁武帝時方置郡據沈約志陶

侃為荊州刺史初治沔陽則是時已有沔陽城矣當屬竟陵郡界宋白曰復州沔陽縣漢縣也郡國志曰沔陽

縣即楚王城

顓狼狽失據征討都督王敦遣武昌太守陶侃

尋陽太守周訪歷陽內史甘卓

懷帝永嘉五年審加敦都督征討諸軍事惠帝

永興元年分淮南之烏江歷陽二縣置歷陽郡

共擊弼郭進屯豫章為諸軍繼

援

考異曰王澄傳曰時王敦為江州鎮豫章按敦時為揚州刺史都督征討諸軍非為江州也

王澄

過詣敦自以名聲素出敦右猶以舊意侮敦敦怒誣其

與杜弼通信遣壯士搃殺之

搃乙革翻

王機聞澄死懼禍以

其父毅兄矩皆嘗為廣州刺史就敦求廣州敦不許會

廣州將溫邵等叛刺史郭訥迎機為刺史機遂將奴客

門生千餘人入廣州

考異曰王澄死周顗敗王敦鎮豫章機入廣州紀傳皆無年月按

衛玠傳玠依敦於豫章以永嘉六年卒故附於此

訥遣兵拒之將士皆機父兄

時部曲

王機父毅為廣州刺史甚得南越之情

不戰迎降

降戶江翻下同

訥乃避

位以州授之王如軍中饑乏官軍討之其黨多降如

計窮遂降於王敦

考考異曰如降亦無年月明年有如餘黨入漢中故附此

鎮東

軍司顧榮前太子洗馬衛玠皆卒

洗恭薦翻

玠瓘之孫也美

風神善清談常以為人有不及可以情恕非意相干可

以理遣故終身不見喜愠之色

見賢通翻

江陽太守張啟

江陽縣漢屬犍為郡劉蜀分置江陽郡隋併入陵州隆山縣唐為眉州彭山縣

殺益州刺史王

異而代之

異行三府事見上卷五年

啟翼之孫也尋病卒三府文武

共表涪陵太守向沈行西夷校尉南保涪陵

沈持林翻涪音浮

南安赤亭羌姚弋仲東徙榆眉

水經註漢靈帝分獠道為南安郡赤亭水

出郡之東山赤谷西流逕城北南入渭水謂之赤亭川榆眉即漢扶風之隃麋縣晉省宋白曰隴州沂源縣東

有隃麋澤有古城吳山縣亦漢榆麋縣地

戎夏襁負隨之者數萬自稱護羌

校尉雍州刺史扶風公

夏戶雅翻雍於用翻

孝愍皇帝上

諱鄴字彥旗武帝孫吳孝王晏之子也出繼伯父秦王東後襲封秦王謚

灋禍亂方作曰愍在國遭憂曰愍

建興元年

是年夏四月方改元建興

春正月丁丑朔漢主聰宴羣臣

於光極殿使懷帝著青衣行酒

著陟略翻

庾珉王雋等不勝

悲憤因號哭聰惡之

勝音升號戶刀翻惡烏路翻

有告珉等謀以平

陽應劉琨者二月丁未聰殺珉雋等故晉臣十餘人

永嘉

三年珉雋與帝俱没于虜

懷帝亦遇害

年三十

大赦復以會稽劉夫人

為貴人

永嘉六年聰以夫人妻帝聰封帝為會稽公故曰會稽劉夫人會工外翻

荀崧曰懷帝天資清劭

劭高也

少著英猷

少詩照翻

若遇承

平足為守文佳主而繼惠帝擾亂之後東海專政故無幽厲之釁而有流亡之禍矣

乙亥漢太后張氏卒謚曰光獻張后不勝哀丁丑亦卒

謚曰武孝

張后張太后之姪女勝音升

己卯漢定襄忠穆公王彰

卒三月漢主聰立貴嬪劉娥為皇后為之起鷄儀殿

雄曰鳳雌曰鶴書曰鳳凰來儀為丁偽翻下更為下為同廷尉陳元達切諫以為天

生民而樹之君使司牧之非以兆民之命窮一人之欲

也晉氏失德大漢受之蒼生引領庶幾息肩是以光文

皇帝

劉淵謐光文  
幾居布翻

身衣大布居無重茵

衣於既翻丁  
同重直龍翻

后

妃不衣錦綺乘輿馬不食粟愛民故也

乘繩  
證翻

陛下踐阼

以來已作殿觀四十餘所加之軍旅數興

觀古玩翻  
數所角翻

魄

運不息饑饉疾疫死亡相繼而益思營繕豈為民父母

之意乎今有晉遺類西據關中南擅江表李雄奄有巴

蜀王浚劉琨窺窗肘腋石勒曹嶷貢粟漸疎

嶷魚力翻貢謂貢獻

粟謂粟承詔命

陛下釋此不憂乃更為中宮作殿豈目前之所

急乎

偽翻為手

昔太宗居治安之世粟帛流行猶愛百金之

費免露臺之役

事見十五卷漢文帝後七年治直史翻

陛下承荒亂之餘

所有之地不過太宗之二郡

時瞻所有之地漢河東西河二郡耳

戰守之

備非特匈奴南越而已

漢文帝時惟備匈奴南越

而宮室之侈乃至

於此臣所以不敢不冒死而言也聰大怒曰朕為天子

營一殿何關汝鼠子乎乃敢妄言沮衆

沮在呂翻

不殺此鼠

子朕殿不成命左右曳出斬之并其妻子同梟首東市

皇堅  
亮翻

使羣鼠共穴時聰在逍遙園李中堂元達先鎖胷

而入即以鎖鎖堂下樹呼曰臣所言者社稷之計而陛下

下殺臣朱雲有言臣得與龍逢比干遊足矣

朱雲事見  
三十二卷

漢成帝元延元年呼  
火故翻逢蒲江翻

左右曳之不能動大司徒任顗

任音

任顗  
魚豈翻

光祿大夫朱紀范隆驃騎大將軍河間王易等

叩頭出血曰元達為先帝所知受命之初即引置門下

見八十五卷惠  
帝永興元年

盡忠竭慮知無不言臣等竊祿偷安每

見之未嘗不發愧今所言雖狂直願陛下容之因諫諍而斬列卿其如後世何聰默然劉后聞之密敕左右停刑手疏上言今宮室已備無煩更營四海未壹宜愛民力廷尉之言社稷之福也陛下宜加封賞而更誅之四海謂陛下何如哉夫忠臣進諫者固不顧其身也而人主拒諫者亦不顧其身也陛下為妾營殿而殺諫臣使忠良結舌者由妾遠近怨怒者由妾公私困弊者由妾社稷貼危者由妾

為于偽翻貼服虔音反貼之貼孟康音屋檐之檐如淳曰貼近邊知墮意

天下之罪皆萃於妾妾何以當之妾觀自古敗國喪家

敗補邁翻  
喪息浪翻

未始不由婦人心常疾之不意今日身自為

之使後世視妾由妾之視昔人也

由與猶通洪氏隸釋  
曰古字多以由通為

獨字樊殷修華嶽碑由復夕惕余  
謂樊碑之由其義尚也此由如也

妾誠無面目復奉巾

櫛

櫛側瑟翻梳枇總  
名復扶又翻下同

願賜死此堂以塞陛下之過

塞悉  
則翻

聰覽之變色任顗等叩頭流涕不已聰徐曰朕比年已

來微得風疾

比毗  
至翻

喜怒過差不復自制元達忠臣也朕

未之察諸公乃能破首明之誠得輔弼之義也朕愧哉

于心

戰側立翻藏也

何敢忘之命顗等冠履就坐

坐徂卧翻

引元達

上

上時掌翻升堂也

以劉氏表示之曰外輔如公內輔如后朕

復何憂賜顗等穀帛各有差更命逍遙園曰納賢園李

中堂曰愧賢堂

更工衡翻

聰謂元達曰卿當畏朕而反使朕

畏卿耶西夷校尉向沈卒衆推汶山太守蘭維為西

夷校尉

向式亮翻姓也沈持林翻汶音岷姓譚鄭穆公名蘭支庶以為氏漢有武陵太守蘭廣又匈奴

傳亦有蘭氏非北蘭也

維率吏民北出欲向巴東

欲歸晉也

成將李恭

費黑邀擊獲之

將即亮翻費扶弗翻

夏四月丙午懷帝凶問至

長安皇太子舉哀因加元服

鄭樵通志略曰魏氏天子冠一如其說曰古之士禮

冠必三加彌尊所以喻其志至於天子諸侯無加數之文者將以踐阼臨人尊極德成不復與士以加喻勉為義禮冠於廟自魏不復在廟矣

壬申即皇帝位大赦改

元

始改元建興

以衛將軍梁芬為司徒雍州刺史麴允為尚

書左僕射錄尚書事

雍於用翻

京兆太守索綝為尚書右僕

射領吏部京兆尹

索昔各翻綝丑林翻

是時長安城中戶不盈百

蒿棘成林公私有車四乘

乘繩證翻

百官無章服印綬唯桑

版署號而已尋以索綝為衛將軍領太尉軍國之事悉

以委之 漢中山王曜司隸校尉喬智明寇長安平西

將軍趙染帥衆赴之

帥讀曰率下同

詔麴允屯黃白城以拒之

石勒使石虎攻鄴鄴潰劉演奔廩丘

廩丘縣前漢屬東郡後漢屬濟

陰郡晉屬濮陽國賢曰廩丘故城在今濮州雷澤縣北

三臺流民皆降於勒

降戶江翻

勒以桃豹為魏郡太守以撫之久之以石虎代豹鎮鄴

初劉琨用陳留太守焦求為兖州刺史荀藩又用李述

為兖州刺史述欲攻求琨召求還及鄴城失守琨復以

劉演為兖州刺史鎮廩丘前中書侍郎郝鑒少以清節

著名帥高平千餘家避亂保嶧山

水經註嶧山在鄒縣北繹邑之所依以為

名也山東西二十里高秀獨出積石相臨殆無土壤石間多孔穴洞達相通往往有如數間屋處其俗謂之嶧孔遭亂輒將家入嶧外寇雖衆無所施害晉永嘉中鄒鑒保此山今山南有大嶧名曰鄒公嶧詩所謂保有鳧繹復扶又翻少詩照琅邪王睿就用鑒為兗州刺史鎮

翻帥讀曰率嶧音亦

鄒山

鄒山在魯郡鄒縣一月壬寅朔與丞相賤曰焦求雖出寒鄉有文武

考異曰劉琨集建興二年十

膽幹苟晞用為陳留太守獨在河南距當石勒撫綏有方琨以求行領兗州刺史後聞荀公以李述為兗州以素論門望不可與求同日而論至於膽幹可以處危權一時之用李述亦不能及求而王玄年少便欲共討求琨以求已與玄構隙便名還而州界民物甚不安服連二千石及文武大姓連遣信使求刺史是以遣兄子演

代求領兗州事往年春正月遣詣鄆至是斬王桑走趙固云云今勒據襄國逼近鄆城故令演轉南演今治在廩丘而李迷都鑒並欲爭兗州或云為荀公所用或云為明公所用大寇未殄而自共尋干戈此以大潰也輒救演謹自守而已按王桑趙固之敗及石勒攻鄆皆在永嘉六年琨賤又云傳長安消息主上是秦王又建興二年十一月丙申朔元年十一月壬申朔十二月壬寅朔然則琨發賤之日建興元年十二月壬寅朔也傳寫耳

誤

三人各屯一郡兗州吏民莫知所從琅邪王睿以

前廬江內史華譚為軍諮祭酒

華戶化翻

譚嘗在壽春依周

馥睿謂譚曰周祖宣何故反

周馥字祖宣

譚曰周馥雖死天

下尚有直言之士馥見寇賊滋蔓欲移都以紓國難

難乃

旦  
翻執政不悅興兵討之馥死未踰時而洛都淪沒若謂

之反不亦誣乎

事見上卷永嘉四年五年

睿曰馥位為征鎮握彊兵

名之不入危而不持亦天下之罪人也譚曰然危而不

持當與天下共受其責非但馥也睿參佐多避事自逸

錄事參軍陳頤

錄事參軍掌總錄衆曹管其文案自上佐以下違失者彈正以法掌凡諸司察

之事白氏六帖曰州主簿郡督郵並今錄事參軍之職余據睿以頤為錄事參軍自別有主簿詳見辨誤言

於睿曰洛中承平之時朝士以小心恭恪為凡俗以偃

蹇倨肆為優雅流風相染以至敗國

朝直遥翻敗補邁翻

今僚屬

皆承西臺餘弊

江東謂洛都為西臺

養望自高是前車已覆而後

車又將尋之也請自今臨使稱疾者皆免官睿不從三

王之誅趙王倫也

見八十四卷惠帝永寧元年

制已亥格以賞功自

是循而用之願上言昔趙王篡逆惠皇失位三王起兵

討之故厚賞以懷嚮義之心今功無大小皆以格斷

斷

亂翻決也言功之輕重差次皆以已亥格決之

乃至金紫佩士卒之身符策委

僕隸之門非所以重名器正紀綱也請一切停之願出

於寒微數為正論府中多惡之

數所角翻惡烏路翻

出願為譙郡

太守 吳興太守周玘宗族彊盛

玘墟里翻

琅邪王睿頗疑

憚之睿左右用事者多中州亡官失守之士駕御吳人

吳人頗怨玘自以失職又為刁協所輕恥恚愈甚

恚於避翻

乃陰與其黨謀誅執政以諸南士代之事泄玘憂憤而

卒將死謂其子勰曰殺我者諸傖子也

勰音協傖助庚翻吳人謂中州

人為能復之乃吾子也 石勒攻李暉於上白斬之

暉於

粉王浚復以薄盛為青州刺史

上白城在安平廣宗縣李暉薄盛皆乞活帥復

扶又翻

王浚使棗嵩督諸軍屯易水召段疾陸眷欲與

之共擊石勒疾陸眷不至

以釋其弟未枉德石勒故不肯會浚兵

浚怒以

重弊賂拓拔猗盧并檄慕容廆等共討疾陸眷

廆戶罪翻

盧遣右賢王六修將兵會之為疾陸眷所敗

敗補邁翻

廆遣

慕容翰攻段氏取徒河新城至陽樂

陽樂縣屬遼西郡賢曰陽樂在今平

州聞六修敗而還翰因留鎮徒河壁青山初中國士民

避亂者多北依王浚浚不能存撫又政法不立士民往

往復去之

復扶又翻

段氏兄弟專尚武勇不禮士大夫唯慕

容廆政事修明愛重人物故士民多歸之廆舉其英俊

隨才授任以河東裴嶷

嶷魚力翻

北平陽耽廬江黃泓代郡

魯昌為謀主廣平游邃北海逢羨

逢皮江翻

北平西方虔

何氏

姓苑少昊金天氏位  
主西方子孫以為氏

西河宋奭及封抽裴開為股肱平

原宋該安定皇甫岌岌弟真蘭陵繆愷

繆靡幼翻

昌黎劉斌

及封奕封裕典機要裕抽之子也裴嶷清方有幹略為

昌黎太守兄武為玄菟太守武卒嶷與武子開以其喪

歸過鹿

自玄菟西歸道過  
棘城菟同都翻

鹿敬禮之及去厚加資送行

及遼西道不通嶷欲還就庾開曰鄉里在南奈何北行

且等為流寓段氏疆慕容氏弱何必去此而就彼也疑

曰中國喪亂

喪息浪翻

今往就之是相帥而入虎口也

帥讀曰率

且道遠何由可達

言昌黎去河東既遠又路梗無由得達

若俟其清通又

非歲月可冀

言天下方亂道路未有清通之時

今欲求託足之地豈可

不慎擇其人汝觀諸段豈有遠略且能待國士乎慕容

公修行仁義有霸王之志加以國豐民安今往從之高

可以立功名下可以庇宗族汝何疑焉聞乃從之既至

龐大喜陽耽清直沈敏為遼西太守

沈持林翻

慕容翰破段

氏於陽樂獲之鹿禮而用之游遂逢羨宋奭皆嘗為昌

黎太守

達皮江翻

與黃泓俱避地於薊後歸鹿王浚屢以手

書召遂兄暢暢欲赴之遂曰彭祖刑政不修華戎離叛

以遂度之必不能久兄且盤桓以俟之

易屯卦初九爻辭曰盤桓利居

貞王弼曰不可以進故盤桓也馬曰盤桓旋也度徒洛翻

暢曰彭祖忍而多疑頃者

流民北來命所在追殺之今手書殷勤我稽留不往將

累及卿

累力瑞翻

且亂世宗族宜分以冀遺種遂從之卒與

浚俱沒

種章勇翻卒子恤翻

宋該與平原杜羣劉翔先依王浚又

依段氏皆以為不足託帥諸流寓同歸於虜東夷校尉  
崔必請皇甫岌為長史卑辭說諭終莫能致虜招之岌  
與弟真即時俱至

古語有之鳥則擇木木豈能擇鳥帥讀曰率說輸芮翻

遼東張

統據樂浪帶方二郡與高句麗王乙弗利相攻連年不  
解樂浪王遵說統帥其民千餘家歸虜為之置樂浪  
郡

為于偽翻樂浪音洛琅句如字又音句驪力知翻

以統為太守遵參軍事

王如餘黨涪陵李運巴西王建等自襄陽將三千餘家  
入漢中

涪音浮

梁州刺史張光遣參軍晉邈將兵拒之邈

受運建賂勸光納其降

降戶江  
翻下同

光從之使居成固既而

邈見運建及其徒多珍寶欲盡取之復說光曰

復扶又  
翻說輸

為  
翻

運建之徒不修農事專治器仗其意難測不如悉掩

殺之不然必為亂光又從之

將貪於下帥闇於上梁州  
之禍復自此始治直之翻

五月邈將兵攻運建殺之建婿楊虎收餘衆擊光屯于

厄水光遣其子孟萇討之不能克壬辰以琅邪王睿

為左丞相大都督督陝東諸軍事南陽王保為右丞相

大都督督陝西諸軍事

所謂分陝也  
陝失冉翻

詔曰今當掃除鯨

鯢鯢鮪大魚鉤網所不能制以比敵

奉迎梓宮

謂懷帝遇害於

平陽梓宮未返也

令幽并兩州勒卒三十萬直造平陽

造七到翻下同

右丞相宜帥秦涼梁雍之師三十萬徑詣長安左丞相

帥所領精兵二十萬徑造洛陽

帥讀曰率雍於用翻

同赴大期克

成元勲漢中山王曜屯蒲坂石勒使孔萇擊定陵

殺田徽

定陵縣漢屬潁川郡晉屬襄城郡田徽王浚用為兖州刺史

薄盛率所部降

勒山東郡縣相繼為勒所取漢主聰以勒為侍中征東

大將軍烏桓亦叛王浚潛附於勒

史言王浚之勢浸以孤弱

六月

劉琨與代公猗盧會于陘北謀擊漢

陘音刑

秋七月琨進

據藍谷猗盧遣拓跋普根屯于北屈

北屈縣漢屬河東郡晉屬平陽郡春秋

秋晉公子夷吾所居邑也宋白曰慈州夾城縣本漢北屈縣地師古曰屈居勿翻

琨遣監軍韓

據自西河而南將攻西平

西平城在平陽西漢主聰築以居其子濟南王驥

漢

主聰遣大將軍粲等拒琨驃騎將軍易等拒普根蕩晉

將軍蘭陽等助守西平琨等聞之引兵還

還從宣翻又如字

聰

使諸軍仍屯所在為進取之計帝遣殿中都尉劉蜀

詔左丞相睿以時進軍

殿中都尉屬二衛

與乘輿會除中原

乘繩

證翻

八月癸亥蜀至建康睿辭以方平定江東未暇北伐

以鎮東長史刁協為丞相左長史從事中郎彭城劉隗

為司直

隗五罪翻

邵陵內史廣陵戴邈為軍諮祭酒

吳孫皓寶鼎元

年分零陵北部都尉立邵陵郡宋白曰邵陵漢之昭陵縣吳立邵陵郡唐為邵州

參軍丹陽張

闓為從事中郎

闓音開又可亥翻

尚書郎潁川鍾雅為記室參

軍譙國桓宣為舍人豫章熊遠為主簿會稽孔愉為掾

會工外翻掾以絹翻

劉隗雅習文史善伺候睿意故睿特親愛之

為刁劉間王敦兄弟張本伺相吏翻

熊遠上書以為軍興以來處事不用

律令

處昌  
呂翻

競作新意臨事立制朝作夕改至於主者不

敢任灋每輒關諮

闕白也

非為政之體也愚謂凡為駁議

者皆當引律令經傳

駁北角翻  
傳直戀翻

不得直以情言無所依

準以虧舊典若開塞隨宜

塞悉則翻

權道制物此是人君之

所得行非臣子所宜專用也睿以時方多事不能從初

范陽祖述少有大志

漢涿郡魏文帝更名  
曰范陽郡少詩照翻

與劉琨俱為

司州主簿同寢中夜聞鷄鳴寔琨覺曰

寔子六翻踞也  
覺居效翻寤也

此非惡聲也因起舞及渡江左丞相睿以為軍諮祭酒

遯居京口

吳孫權自吳徙丹徒謂之京城有京峴山在其東其城因山為壘俯臨江津故曰京口

糾合驍健

繩三合為糾糾言合三為一也驍聖堯翻下同

言於睿曰晉室之亂

非上無道而下怨叛也由宗室爭權自相魚肉遂使我

狄乘隙毒流中土今遺民既遭殘賊人思自奮大王誠

能命將出師使如遯者統之以復中原郡國豪傑必有

望風響應者矣睿素無北伐之志以遯為奮威將軍豫

州刺史給千人廩布三千疋

給千人糧廩及布三千疋而已

不給鎧仗

使自召募遯將其部曲百餘家渡江中流擊楫而誓曰

祖逖不能清中原而復濟者有如大江

復扶又翻

遂屯淮陰

淮陰縣前漢屬臨淮郡後漢屬下邳國晉屬廣陵郡

起冶鑄兵募得二千餘人而

後進 胡亢性猜忌殺其驍將數人杜曾懼潛引王冲

之兵使攻亢

王亢荆州賊也

亢悉精兵出拒之城中空虛曾因

殺亢而并其衆

周顗屯潯水城

廬山記曰尋陽縣在大江之北潯水之陽

潯水城無乃古之尋陽城乎

為杜弼所困陶侃使明威將軍朱伺救

之弼退保冷口

沈約志魏置將軍四十號明威第三弼吐刀翻水經註冷水南出九疑山北流

逕冷道縣西南又北流注于都溪水又西北入于營水所謂冷口也楊正衡曰冷郎丁翻余攷此冷口去武昌

甚遠又水經註江水自蘄春故城南又東得銅零口此無乃是乎

侃曰弢必步向武昌

乃自徑道還郡以待之

徑道捷出之路

弢果來攻侃使朱伺逆

擊大破之弢遁歸長沙周顗出潯水投王敦於豫章敦

留之陶侃使參軍王貢告捷於敦敦曰若無陶侯便失

荊州矣乃表侃為荊州刺史屯沔江

水經註沔水上承沔陽之白湖東南

流逕沔陽縣南注于江謂之沔口陸游曰江陵之建寧鎮蓋沔口也王敦以陶侃為荊州鎮此明年徙林鄭侃

傳云初鎮沔口移入沔江水經註林障故城在沔南沔江謂林障也

左丞相睿召周顗復

以為軍諮祭酒初氏王楊茂搜之子難敵遣養子販

易於梁州私賣良人子一人張光鞭殺之難敵怨曰使

君初來大荒之後兵民之命仰我氏活氏有小罪不能

貫也

貫始制翻貸也  
恕也又神夜翻

及光與楊虎相攻各求救於茂搜

茂搜遣難敵救光難敵求貸於光光不與楊虎厚賂難

敵且曰流民珍貨悉在光所

謂晉邈所  
殺奪者

今伐我不如伐

光難敵大喜光與虎戰使張孟萇居前難敵繼後難敵

與虎夾擊孟萇大破之孟萇及其弟援皆死光嬰城自

守九月光憤激成疾僚屬勸光退據魏興光按劔曰吾

受國重任不能討賊今得死如登僊何謂退也聲絕而

卒

張光雖以信用晉邈致寇其氣烈亦可尚也

州人推其少子邁領州事

少詩

照翻

又與氏戰沒衆推始平太守胡子序領梁州 荀藩

薨于開封

荀藩傳祇相繼而沒陝東二行臺惟荀組在耳考異曰帝紀曰薨于滎陽今從藩傳

漢中山王曜趙染攻麴允于黃白城允累戰皆敗詔以

索綝為征東大將軍將兵助允 王貢自王敦所還至

竟陵矯陶侃之命以杜曾為前鋒大都督擊王冲斬之

悉降其衆

降戶江翻

侃召曾曾不至貢恐以矯命獲罪遂與

曾反擊侃冬十月侃兵大敗僅以身免敦表侃以白衣

領職侃復帥周訪等進擊杜弼大破之

又復扶翻

敦乃奏復

侃官 漢趙染謂中山王曜曰麴允率大衆在外長安

空虛可襲也曜使染帥精騎五千襲長安

帥讀曰率下同

庚寅

夜入外城帝犇射鴈樓染焚龍尾及諸營

龍尾者依城築道陂陁而

漸高登陴所由之路也又水經曰秦時有黑龍從南山出飲渭水其行道因山成跡長六十餘里頭臨渭水尾

達樊川漢蕭何起未央宮斬龍首山而營之頭高二

十丈尾漸下高五六丈所謂龍尾者此山之尾也

掠千餘人辛卯旦退屯逍遙園

水經註沈水上承皇子陂於樊川北逕長安城

西與昆明池水合沈水又東北流逕鄧父祠南又東分為二水一水東入逍遙園

壬辰將軍麴

鑒自阿城帥衆五千救長安

阿城即秦阿房宮城也

癸巳染引還

鑒追之與曜遇於零武鑒兵大敗

前漢北地郡有靈武縣後漢晉省至後魏

置咸陽郡池陽靈武二縣並屬焉黃白城在池陽則此零武為前漢北地郡魏咸陽郡之靈武明矣

楊

虎楊難敵急攻梁州胡子序棄城走難敵自稱刺史

漢中山王曜恃勝而不設備十一月麴允引兵襲之漢

兵大敗殺其冠軍將軍喬智明

冠古玩翻

曜引歸平陽王

浚以其父字處道自謂應當塗高之識謀稱尊號

王浚又

表術也

前勃海太守劉亮北海太守王搏

搏徒官翻

司空掾高

柔切諫

掾于絹翻此又一高柔非魏之高柔

浚皆殺之燕國霍原志節清

高屢辭徵辟浚以尊號事問之原不答浚誣原與羣盜

通殺而梟其首

梟堅堯翻

於是士民駭怨而浚矜豪日甚不

親政事所任皆苛刻小人棗嵩朱碩貪橫尤甚

橫戶孟翻

州謠曰府中赫赫朱丘伯十囊五囊入棗郎

朱丘伯朱碩字也嵩

浚之婿故曰棗郎

調發殷煩下不堪命多叛入鮮卑

調徒弔翻

從事

韓咸監護柳城

柳城縣前漢屬遼西郡後漢晉省監工銜翻

盛稱慕容廆能

接納士民欲以諷浚浚怒殺之浚始者唯恃鮮卑烏桓  
以為彊既而皆叛之加以蝗旱連年兵勢益弱石勒欲  
襲之未知虛實將遣使覘之

使疏吏翻覘癡  
燕翻又曰艷翻

參佐請用

羊祜陸抗故事致書於浚

欲用敵國  
交鄰之禮

勒以問張賓賓曰

浚名為晉臣實欲廢晉自立但患四海英雄莫之從耳

其欲得將軍猶項羽之欲得韓信也將軍威振天下今

卑辭厚禮折節事之猶懼不信況為羊陸之亢敵乎

折而

設翻亢  
口浪翻

夫謀人而使人覺其情難以得志矣勒曰善十

二月勒遣舍人王子春董肇多齋珍寶奉表於浚曰勒

本小胡遭世饑亂流離屯厄

屯株倫  
翻難也

竄命冀州竊相保

聚以救性命今晉祚淪夷中原無主殿下州鄉貴望

勒上

黨武鄉人而浚太  
原人故云州鄉

四海所宗為帝王者非公復誰

復扶  
又翻

勒所以捐軀起兵誅討暴亂者正為殿下驅除爾伏願

殿下應天順人

為于  
偽翻

早登皇祚勒奉戴殿下如天地父

母殿下察勒微心亦當視之如子也又遺棗嵩書厚賂

之

遺于  
季翻

浚以段疾陸眷新叛士民多棄已去聞勒欲附

之甚喜謂子春曰石公一時豪傑據有趙魏乃欲稱藩  
於孤其可信乎子春曰石將軍才力彊盛誠如聖旨但  
以殿下中州貴望威行夷夏

夏戶雅翻

自古胡人為輔佐名

臣則有矣未有為帝王者也石將軍非惡帝王不為而

讓於殿下

惡烏路翻

顧以帝王自有歷數非智力之所取雖

彊取之

彊其兩翻

必不為天人之所與故也項羽雖彊終為

漢有石將軍之比殿下猶陰精之與太陽是以遠鑒前  
事歸身殿下此乃石將軍之明識所以遠過於人也殿

下又何怪乎浚大悅封子春肇皆為列侯遣使報聘以厚幣酬之游綸兄統為浚司馬鎮范陽遣使私附於勒

游綸保據死鄉偽降於勒勒已襲禽之

勒斬其使以送浚浚雖不罪統益

信勒為忠誠無復疑矣是歲左丞相睿遣世子紹鎮廣陵以丞相掾蔡謨為參軍謨克之子也漢中山王

曜圍河南尹魏浚於石梁

石梁塢在洛水北

兗州刺史劉演河

內太守郭默遣兵救之曜分兵逆戰於河北敗之

河平大河

之北即富平津之北也敗補邁翻

浚夜走獲而殺之代公猗盧城盛樂

以為北都治故平城為南都又作新平城於湮水之陽

使右賢王六修鎮之統領南部

盛樂縣前漢屬定襄郡後漢屬雲中郡平城漢

屬鴈門郡括地志曰朔州定襄縣本漢平城縣拓拔魏之盛也置朔州於盛樂置桓州於平城平城謂之代都自高祖遷洛其後被六韓拔陵作亂故都為墟恒州寄治肆州秀容郡城雲州寄治并州界魏收地形志自陁嶺以北所記略矣隋之盛也北逐突厥復漢故塞省併後魏所置郡縣盛樂蓋在定襄郡大利縣界平城在馬邑郡雲內縣界唐破突厥北盡魏隋之路朔州善陽縣則漢定襄魏柔乾之地單于都護府金河縣則後魏道武所都也雲州雲中縣則後魏所都平城也然自單于都護府東北至朔州三百五十七里則盛樂距平城其道里可知矣杜佑曰雲中今馬邑郡北平城即今郡隋雲內縣恒安鎮魏書帝紀猗盧修故平城以為南都更

南百里於澧水之陽黃瓜堆築新平城晉人謂之小平  
城杜佑又曰朔州馬邑郡魏都平城於郡北置懷朔鎮  
及遷洛後置朔州後魏初雲中在今郡北三百餘里定  
襄故城北北齊置朔州在故都西南新城一名平城也  
後移於馬邑即今郡城也郡治善陽縣亦漢定襄縣地  
有秦馬邑城武周塞紫河發源於此宋白曰唐振武軍  
舊單于都護府即漢定襄郡之盛樂縣也在陰山之陽  
黃河之北後魏所都盛樂是也唐平突厥於此置雲中  
都督府後改單于府班固地理志右北平浚靡縣澧水  
南至無終東入庚師古曰澧方水翻又音郎賄翻酈道  
元水經註庚水與鮑丘水合浚靡在東與平城相去甚  
遠新平城不在此澧水之陽也據魏書道武帝西如馬  
邑觀澧源則澧水蓋出於馬邑而東北流逕平城之南  
也酈道元魏人也其註水經叙代都之事宜詳初不言  
平城有澧水但言濕水逕平城南耳註曰濕水出鴈門  
陰館縣濕頭山一曰治水東北流出山逕陰館縣故城

西故樓煩鄉也又有馬邑川水會桑乾水而注于濕水  
濕水東流過平城南又東流逕廣寧下洛縣南東至漁  
陽入筍溝又考班固地理志鴈門陰館縣樓煩鄉累頭  
山治水所出東至泉州入海師古曰累音力追翻治音  
弋之翻竊謂水出累頭山疑當時亦有累水之名師古  
音從平聲音相近也意道元所謂濕水即溼水也又考  
丁度集韻漂溼漂三字同註云水出鴈  
門則亦有見於此矣溼類篇音魯水翻

資治通鑑卷八十八

欽定四庫全書

資治通鑑卷八十九

宋 司馬光 撰

胡三省 音註

晉紀十一

起閼逢閼茂盡柔兆困敦凡三年

孝愍皇帝下

建興二年春正月辛未有如日隕于地又有三日相承

出西方而東行

天文占曰三四五六日俱出並爭天下兵作又曰三日並出不過三旬諸侯爭

為帝

丁丑大赦 有流星出牽牛入紫微

晉天文志牽牛六星在河

鼓南光燭地墜于平陽北化為肉長三十步廣二十七步

長直亮翻廣右

漢主聰惡之

惡鳥路翻

以問公卿陳元達以

為女寵太盛亡國之徵

考異曰載記元達等曰臣恐後庭有三后之事按立三后在

明年於時未也

聰曰此陰陽之理何關人事聰后劉氏賢明聰

所為不道劉氏每規正之己丑劉氏卒諡曰武宣自是

嬖寵競進後宮無序矣

嬖卑義翻又博計翻

聰置丞相等七公

七公見下自晉王粲至中山王曜是也

又置輔漢等十六大將軍

輔漢都護中軍

上軍撫軍鎮衛京前後左右上下軍輔國冠軍龍驤虎牙等大將軍

各配兵二千以諸子

為之又置左右司隸各領戶二十餘萬萬戶置一內史

單于左右輔各主六夷十萬落

六夷蓋胡羯鮮卑氏羌巴蠻或曰烏丸非巴蠻

也單音蟬

萬落置一都尉左右選曹尚書並典選舉自司隸

以下六官皆位亞僕射以其子粲為丞相領大將軍錄

尚書事進封晉王江都王延年錄尚書六條事

錄尚書六條事

始見於此沈約志曰晉康帝世何充讓錄表云咸康中分置三錄王導錄其一荀崧陸璣各錄六條事然則似有二十四條若止有十二條則荀陸各錄六條導又何所司乎若導總錄荀陸分掌則不得復云導錄其一也其後每置二錄輒云各錄六條事又似止有十二條十二條者不知悉何條也江右張華江左庾亮並經關尚

書七條則亦不知皆何事也余按宋元嘉以後江夏王義恭始興王濬南譙王義宣皆錄尚書六條事沈氏世仕江左歷位通顯且不知為何事後之人何所取徵杜佑曰何充讓錄表曰咸康中分置三錄王導錄其一荀松陸晷各錄二條事晉氏度江有吏部祠部左民五兵度支五尚書是五條也晉初有吏部三公客曹駕部屯田度支六曹太康有吏部殿中五兵田曹度支左民六曹蓋六條也如杜佑之言則六條蓋六曹也沈約以何充表各錄二條為各錄六條致有此誤

汝陰王景為太師王育為太傅任

顗為太保馬景為大司徒朱紀為大司空中山王曜為

大司馬 壬辰王子春等及王浚使者至襄國石勒匿

其勁卒精甲羸師虛府以示之

羸倫為翻

北面拜使者而受

書浚遺勒塵尾

遺于季翻塵腫度翻糜屬尾能生風辟  
蠅蝸晉王公貴人多執塵尾以玉為柄

勒陽不敢執懸之於壁朝夕拜之曰我不得見王公見

其所賜如見公也復遣董肇奉表于浚期以三月中旬

親詣幽州奉上尊號

復扶又翻  
上時掌翻

亦修牋于東嵩求并州

牧廣平公勒問浚之政事於王子春子春曰幽州去歲

大水人不粒食

五穀不登  
故不粒食

浚積粟百萬不能賑贍刑政

苛酷賦役殷煩忠賢內離夷狄外叛人皆知其將亡而

浚意氣自若曾無懼心方更置立臺閣布列百官自謂

漢高魏武不足比也勒撫几笑曰王彭祖真可擒也俊

使者還薊

薊音計

具言石勒形勢寡弱欵誠無二浚大悅

益驕怠不復設備

楊虎掠漢中吏民以奔成梁州人

張咸等起兵逐楊難敵

楊虎楊難敵攻漢中事始上卷上年

難敵去咸以

其地歸成於是漢嘉涪陵漢中之地

漢嘉本前漢青衣縣屬蜀郡後漢順

帝陽嘉二年改曰漢嘉蜀分立漢嘉郡

皆為成有成主雄以李鳳為梁州

刺史任回為寧州刺史李恭為荊州刺史雄虛已好賢

隨才授任

好呼到翻

命太傅驤養民於內李鳳等招懷於外

刑政寬簡獄無滯囚興學校置史官

校戶教翻

其賦民男丁

歲穀三斛女丁半之疾病又半之戶調絹不過數丈綿

數兩

調徒釣翻賦也

事少役希

少詩沼翻

民多富實新附者皆給復

除

復方目翻

是時天下大亂而蜀獨無事年穀屢熟乃至閭

門不閉路不拾遺漢嘉夷王冲歸朱提審炁建寧爨

皆歸之

朱提音鉢時炁與照同爨取亂翻夷人姓也爨與疆同居良翻

巴郡嘗告急云

有晉兵雄曰吾常憂琅邪微弱遂為石勒所滅以為耿

耿

耿古幸翻耿耿憂也

不圖乃能舉兵使人欣然然雄朝無儀品

爵位濫溢

朝直  
遥翻

吏無祿秩取給於民軍無部伍號令不

肅此其所短也

二月壬寅以張軌為太尉涼州牧封

西平郡公王浚為大司馬都督幽冀諸軍事荀組為司

空領尚書左僕射兼司隸校尉行留臺事劉琨為大將

軍都督并州諸軍事朝廷以張軌老病拜其子寔為副

刺史

副刺史前  
此未有也

石勒纂嚴將襲王浚而猶豫未發張

賓曰夫襲人者當出其不意今軍嚴經日而不行豈非

畏劉琨及鮮卑烏桓為吾後患乎勒曰然為之奈何賓

曰彼三方智勇無及將軍者將軍雖遠出彼必不敢動

且彼未謂將軍便能懸軍千里取幽州也輕軍往返不

出二旬藉使彼雖有心比其謀議出師

比必寐翻

吾已還矣

且劉琨王浚雖同名晉臣實為仇敵若修牋于琨送質

請和

質音致下同

琨必喜我之服而快浚之亡終不救浚而

襲我也用兵貴神速勿後時也勒曰吾所未了右侯已

了之

了決也

吾復何疑

後扶又翻下敢復同

遂以火宵行至柏人

柏人

縣屬趙國唐為邢州堯山縣

殺主簿游綸以其兄統在范陽恐泄軍

謀故也遣使奉牋送質于劉琨自陳罪惡請討浚以自效琨大喜移檄州郡稱已與猗盧方議討勒勒走伏無地求拔幽都以贖罪今便當遣六修南襲平陽除僭偽之逆類降知死之逋羯

逆類謂劉聰逋羯謂石勒降戶江翻羯居謁翻

順天副

民翼奉皇家斯乃曩年積誠靈祐之所致也

浚琨為勒所玩弄而

不自覺宜其相繼而覆亡也

考異曰琨集檄首云三

月庚午朔五月甲戌按石勒以壬申克幽州蓋時晉陽

尚未知也欲叙琨事畢

然後叙勒事故置此

三月勒軍達易水王浚督護孫

緯馳遣白浚

緯于貴翻

將勒兵拒之游統禁之浚將佐皆曰

胡貪而無信必有詭計請擊之浚怒曰石公來正欲奉

戴我耳敢言擊者斬衆不敢復言浚設饗以待之壬申

勒晨至薊

薊音計取幽州後言

考異曰三十國春秋先言癸酉勒壬午勒晨至薊按劉琨表曰勒

以三月三日徑掩薊城然則當言壬午是也

叱門者開門猶疑有伏兵先驅

牛羊數千頭聲言上禮

言欲以牛羊上浚以為禮上時掌翻

實欲塞諸街

巷

塞悉則翻

浚始懼或坐或起勒既入城縱兵大掠浚左右

請禦之浚猶不許勒升其聽事

中庭曰聽事言受事察訟於是漢晉皆作聽事

六朝以來乃始如

廠作廳並他經翻

浚乃走出堂皇

堂無四壁曰皇勒衆執之勒

召浚妻與之並坐執浚立於前浚罵曰胡奴調乃公

田調

聊翻  
戲也

何凶逆如此勒曰公位冠元台

冠古  
玩翻

手握彊兵坐

觀本朝傾覆

朝直遥  
翻下同

曾不救援乃欲自尊為天子非凶

逆乎又委任姦貪殘虐百姓賊害忠良毒偏燕土

燕於  
賢翻

此誰之罪也使其將王洛生以五百騎送浚于襄國浚

自投于水束而出之斬于襄國市勒殺浚麾下精兵萬

人浚將佐爭詣軍門謝罪饋賂交錯前尚書裴憲從侍

中郎荀綽獨不至勒召而讓之曰王浚暴虐孤討而誅

之諸人皆來慶謝二君獨與之同惡將何以逃其戮乎

對曰憲等世仕晉朝荷其榮祿

荷下可翻

浚雖凶麤猶是晉

之藩臣故憲等從之

裴憲奔幽州見八十卷懷帝永嘉五年

不敢有貳明

公苟不修德義專事威刑則憲等死自其分

分扶問翻

又何

逃乎請就死不拜而出勒召而謝之待以客禮綽勗之

孫也勒數朱碩棗嵩等以納賄亂政為幽州患

事見上卷上年

數所具翻

責游統以不忠所事皆斬之

以統欲以范陽私附之也

籍浚將

佐親戚家貲皆至巨萬惟裴憲苟綽止有書百餘袞鹽

米各十餘斛而已

褰與帙同直質翻  
書卷編次成帙

勒曰吾不喜得幽

州喜得二子以憲為從事中郎綽為參軍分遣流民各

還鄉里勒停薊二日焚浚宮殿以故尚書燕國劉翰行

幽州刺史戍薊置守宰而還

還從宣翻  
又如字

孫緯遮擊之勒

僅而得免勒至襄國遣使奉王浚首獻捷于漢漢以勒

為大都督督陝東諸軍事

此陝東亦取分陝  
之義而授之耳

驃騎大將

軍東單于

驃尺妙翻  
單音蟬

增封十二郡勒固辭受二郡而已

劉琨請兵於拓跋猗盧以擊漢會猗盧所部雜胡萬餘

家謀應石勒猗盧悉誅之不果赴琨約琨知石勒無降

意乃大懼

降戶江翻

上表曰東北八州勒滅其七

勒入鄴殺都督東燕

王騰寇信都殺冀州刺史王斌襲鄆城殺兖州刺史袁孚攻新蔡殺豫州刺史新蔡王確襲蒙城擒青州都督苟晞克上白斬青州刺史李憚攻信都殺冀州刺史王象攻定陵殺兖州刺史田徽襲幽州擒王浚除李憚田徽王浚承制所授是滅其七也

先朝所授存者惟臣

朝直遥翻

勒據襄國與

臣隔山

山自太行恒山至于幽碣連延不斷襄國在山東晉陽在山西

朝發夕至城塢

駭懼雖懷忠憤力不從願耳劉翰不欲從石勒乃歸段

匹磾匹磾遂據薊城

碑丁奚翻

王浚從事中郎陽裕耽之兄

子也逃奔令支

今支縣漢屬遼西故孤竹君之國晉省段氏據之為國都應劭曰令音鈴裴松

之曰支其兒翻師古曰令又音郎定翻杜佑曰令支今北平郡盧龍縣即其地依段疾陸眷會

稽朱左車魯國孔纂泰山胡母翼自薊逃奔昌黎依慕

容廐

會工外翻廐戶罪翻

是時中國流民歸廐者數萬家廐以冀

州人為冀陽郡

據魏收地形志冀陽郡當置於漢北平平剛縣界

豫州人為成

周郡

成周屬豫州之地故以為郡名

青州人為營丘郡

前漢志遼西臨渝縣有渝水首

受白狼水南流逕營丘城西廐所置郡也

并州人為唐國郡

并州古唐國也廐因以名郡成

周唐國二郡所置地闕

初王浚以邵續為樂陵太守屯厭次

厭次

本前漢平原郡之富平縣後漢明帝更名厭次晉分屬樂陵為治所丁度集韻厭於琰翻九域志曰相傳秦始皇東遊厭氣碣石次舍於此因以為名魏收曰樂陵郡厭次縣有富城郅續居之

浚敗續附於

石勒勒以續子又為督護浚所署勃海太守東萊劉脣棄郡依續謂續曰凡立大功必杖大義君晉之忠臣奈

何從賊以自汙乎

汙烏故翻

會段匹磾以書邀續同歸左丞

相睿續從之其人皆曰今棄勒歸匹磾其如又何續泣

曰我豈得顧子而為叛臣哉殺異議者數人勒聞之殺

又續遣劉脣使江東

使疏吏翻

睿以脣為參軍以續為平原

太守石勒遣兵圍續匹磾使其弟文鴛救之勒引去

襄國大饑穀二升直銀一斤肉一斤直銀一兩杜弼

將王真襲陶侃於林障

水經註林障在江夏沌陽縣沔水逕沌陽縣北又東逕林障故

城北宋白曰晉江夏郡治林障義熙元年方徙夏口

侃犇灊中周訪救侃擊弼兵

破之

灊書涉翻丁度曰灊水名在西陽水經註涓水過江夏安陸縣而東南流分為二水東通灊水西入

于沔夏五月西平武穆公張軌寢疾遺令文武將佐務

安百姓上思報國下以寧家己丑軌薨

考異曰帝紀作壬辰今從前

涼錄鈔前涼錄鈔又曰葵建陵蓋張祚僭號後追尊其墓耳

長史張璽等表世子寔

攝父位

璽斯氏翻

漢中山王曜趙染冠長安六月曜屯渭

汭

春秋左氏傳曰虢公敗戎于渭汭杜預曰水之隈曲曰汭王肅曰汭入也呂忱曰汭者水相入也即渭水

入河處汭儒稅翻

染屯新豐索綝將兵出拒之

索昔各翻綝丑林翻

染有

輕綝之色長史魯徽曰晉之君臣自知強弱不敵將致

死於我不可輕也染曰以司馬模之彊吾取之如拉朽

事見八十七卷懷帝永嘉五年拉落合翻

索綝小豎豈能汙吾馬蹄刀刃邪

晨帥輕騎數百逆之

汙烏故翻帥讀曰率下同

曰要當獲綝而後食

綝與戰于城西

新豐城西也

染兵敗而歸悔曰吾不用魯徽

之言以至此何面目見之先命斬徽徽曰將軍愚復以

取敗乃復忌前害勝

復扶又翻下同愎弼力翻忌前忌人在前害勝害勝已者

誅忠

良以逞忿猶有天地將軍其得死於枕席乎詔加索綝

驃騎大將軍尚書左僕射錄尚書承制行事

驃匹妙翻

曜染

復與將軍殷凱帥衆數萬向長安

考異曰晉春秋作殷凱今從麴允傳

麴允逆戰於馮翊允敗收兵夜襲凱營凱敗死曜乃還

攻河內太守郭默于懷列三屯圍之默食盡送妻子為

質請糴於曜糴畢復嬰城固守曜怒沈默妻子于河而

攻之

質音致沈  
持林翻

默欲投李矩於新鄭

新鄭縣漢屬河南  
郡晉省其地當在

滎陽郡界周宣王弟鄭桓公本封京兆之鄭縣其子武  
公邑于號鄆之間遂為鄭國左傳鄭莊公曰吾先君新

邑于此後遂為新鄭  
縣以別京兆之鄭

矩使其甥郭誦迎之兵少不敢進

少詩  
治翻

會劉琨遣參軍張肇帥鮮卑五百餘騎詣長安道

阻不通還過矩營矩說肇使擊漢兵

說輸  
芮翻

漢兵望見鮮

卑不戰而走默遂率衆歸矩漢主聰召曜還屯蒲坂

秋趙染攻壯地麴允拒之染中弩而死

中竹  
仲翻

石勒始

命州郡閱實戶口出帛二匹穀二斛冬十月以張

寔為都督涼州諸軍事涼州刺史西平公 十一月漢

主聰以晉王粲為相國大單于摠百揆粲少有俊才自

為宰相驕奢專恣遠賢親佞嚴刻復諫國人始惡之

後為

粲為新律所賦張本少詩

周勰以其父遺言

見上卷建興元

照翻遠于願翻惡烏路翻

年協

因吳人之怨謀作亂使吳興功曹徐馥矯稱叔父

丞相從事中郎札之命收合徒眾以討王導刁協豪傑

翕然附之孫皓族人弼亦起兵於廣德以應之

沈約曰廣德縣

疑是吳所立屬宣城郡按今廣德軍即其地宋白曰廣德縣本秦鄣郡地漢以為故鄣縣

三年春正月徐馥殺吳興太守袁琇

琇音秀又音酉

有衆數千

欲奉周札為主札聞之大驚以告義興太守孔侃勰知札意不同不敢發馥黨懼攻馥殺之孫弼亦死札子續

亦聚衆應馥左丞相睿議發兵討之王導曰今少發兵

則不足以平寇

少詩召翻

多發兵則根本空虛續族弟黃門

侍郎廷

廷夷然翻

忠果有謀請獨使廷往足以誅續睿從之

廷晝夜無行至郡將入遇續於門謂續曰當與君共詣

孔府君有所論續不肯入廷牽逼與俱坐定廷謂孔侃

曰府君何以置賊在坐

卧坐但翻

續衣中常置刀即操刀逼

廷

操千高翻

廷叱郡傳教吳曹格殺之

傳教郡吏也宣傳教令者也

廷因

欲誅勰札不聽委罪於從兄邵而誅之廷不歸家省母

從才用翻  
省悉景翻

遂長驅而去母狼狽追之睿以札為吳興太

守廷為太子右衛率以周氏吳之豪望故不窮治撫勰

如舊

率如字治直之翻

詔平東將軍宋哲屯華陰

華陰縣前漢屬京兆

後漢晉屬弘農郡華戶化翻

成王雄立后任氏 二月丙子以琅

邪王睿為丞相大都督督中外諸軍事南陽王保為相

國荀組為太尉領豫州牧劉琨為司空都督并冀幽三

州諸軍事琨辭司空不受南陽王模之敗也

見八十七卷懷

帝永嘉五年

都尉陳安往歸世子保於秦州保命安將千餘

人討叛羌寵待甚厚保將張春疾之譖安云有異志請

除之保不許春輒伏刺客以刺安安被創馳還隴城

隴縣

城也前漢屬天水後漢改天水為漢陽

晉省以刺七亦翻被皮義翻創初良翻遣使詣保貢獻

不絕

使疏吏翻

詔進拓跋猗盧爵為代王置官屬食代常

山二郡

常山已為石勒所有拓跋氏建國曰代始此

猗盧請并州從事鴈門

莫含於劉琨

姓譜莫姓楚莫敖之後

琨遣之含不欲行琨曰以并

州單弱吾之不材而能自存於胡羯之間者代王之力

也吾傾身竭貲以長子為質而奉之者庶幾為朝廷雪

大恥也

琨以長子遵質於猗盧長知兩翻幾居希翻

卿欲為忠臣奈何惜共

事之小誠而忘徇國之大節乎往事代王為之腹心乃

一州之所賴也含遂行猗盧甚重之常與參大計猗盧

用灋嚴國人犯灋者或舉部就誅老幼相攜而行人問

何之曰往就死無一人敢逃匿者王敦遣陶侃甘卓

等討杜弢前後數十戰弢將士多死乃請降於丞相詹

弢土刀翻將即亮翻降戶江翻

睿不許弢遺南平太守應詹書

遺于季翻

自

陳昔與詹共討樂鄉本同休戚後在湘中懼死求生遂

相結聚

見八十七卷懷帝永嘉五年

儻以舊交之情為明枉直

為于仍翻

下使得輸誠盟府

時琅邪王睿為東南方鎮盟主故曰盟府

厠列義徒或北

清中原或西取李雄以贖前愆雖死之日猶生之年也

詹為啟呈其書且言弢益州秀才

羅尚刺益州舉弢秀才為于偽翻

素

有清望為鄉人所逼今悔惡歸善宜命使撫納以息江

湘之民

使疏史翻

睿乃使前南海太守王運受弑降赦其反

逆之罪以弑為巴東監軍

監工街翻

弑既受命諸將猶攻之

不已弑不勝憤怒遂殺運復反

勝音升復扶又翻

遣其將杜弘

張彥殺臨川內史謝摛

吳孫亮太平二年分豫章東部都尉立臨川郡摛丑之翻

遂

陷豫章三月周訪擊彥斬之弘犇臨賀

臨賀縣漢屬蒼梧郡吳分立臨

賀郡漢大赦改元建元

考異曰十六國春秋建元年年在晉建興二年同編修劉恕

言今晉州臨汾縣嘉泉村有漢太宰劉雄碑云嘉平五年歲在乙亥二月六日立然則改建元在乙亥二月後

也雨血於漢東宮廷明殿太弟又惡之以問太傅崔

瑋太保許遐瑋遐說又曰

兩于具翻惡烏路翻說輸芮翻

主上往日以

殿下為太弟者欲以安衆心耳其志在晉王久矣

聰子聚封

晉王

王公已下莫不希旨附之今復以晉王為相國羽儀

威重踰於東宮萬機之事無不由之諸王皆置營兵以

為羽翼

事見上年

事勢已去殿下非徒不得立也朝夕且有

不測之危不如早為之計今四衛精兵不減五千

謂東宮左

右前後四衛率所統兵也

相國輕佻正煩一刺客耳

佻他彫翻

大將軍無

日不出其營可襲而取

聚弟渤海王敷時為大將軍

餘王並幼固易

奪也

易以鼓翻

苟殿下有意二萬精兵指顧可得鼓行入雲

龍門宿衛之士孰不倒戈以迎殿下者大司馬不慮其

為異也

大司馬謂中山王暉

又弗從東宮舍人荀裕告瑋遐勸又

謀反

東宮舍人太子舍人之職又以太弟居東宮

漢主聰收瑋遐於詔獄假

以他事殺之使冠威將軍卜抽將兵監守東宮

冠古玩翻監工

銜翻

禁又不聽朝會

朝直還翻

又憂懼不知所為上表乞為庶

人并除諸子之封褒美晉王請以為嗣抽抑而弗通

漢青州刺史曹嶷盡得齊魯間郡縣

嶷魚力翻

自鎮臨菑有

衆十餘萬臨河置戍石勒表稱焜有專據東方之志請

討之漢主聰恐勒滅焜不可復制

復扶又翻下同

弗許聰納中

護軍靳準二女月光月華

靳居慘翻

立月光為上皇后劉貴

妃為左皇后月華為右皇后左司隸陳元達極諫

聰置左右

司隸

以為並立三后非禮也聰不悅以元達為右光祿大

夫外示優崇實奪其權於是太尉范隆等皆請以位讓

元達聰乃復以元達為御史大夫儀同三司月光有穢

行

行下孟翻

元達奏之聰不得已廢之月光慙恚自殺

恚於避翻

聰恨元達 夏四月大赦 六月盜發漢霸杜二陵及

薄太后陵

漢薄太后葬南陵在霸陵之南

得金帛甚多詔收其餘以實

內府 辛巳大赦 漢大司馬曜攻上黨八月癸亥敗

劉琨之衆於襄垣曜欲進攻陽曲

襄垣縣屬上黨郡陽曲琨所居也敗補邁

翻漢主聰遣使謂之曰

使疏吏翻

長安未平宜以為先曜乃

還屯蒲坂 陶侃與杜弢相攻弢使王貢出挑戰

挑徒了翻

侃遥謂之曰杜弢為益州小吏盜用庫錢父死不葬喪

卿本佳人何為隨之天下寧有白頭賊邪

言為賊者不得至老

貢

初橫脚馬上聞侃言歛容下脚侃知可動復遣使諭之

截髮為信貢遂降於侃

貢叛侃見上卷元年降戶江翻下同

攷衆潰遁走

道死

考異曰攷傳云攷逃遁不知所在晉春秋云城潰攷投水死今從帝紀

侃與南平太

守應詹進克長沙

長沙杜攷之巢穴也

湘州悉平丞相睿承制赦

其所部進王敦鎮東大將軍加都督江揚荆湘交廣六

州諸軍事江州刺史敦始自選置刺史以下寢益驕橫

橫戶初王如之降也

見上卷懷帝永嘉六年

敦從弟稜愛如驍勇

從才用翻

請敦配已麾下敦曰此輩險悍難畜

悍下罕翻又侯

肝翻畜  
許六翻

汝性狷急

狷吉  
掾翻

不能容養更成禍端稜固請乃

與之稜置左右甚加寵遇如數與敦諸將角射爭鬪

所數

角翻

稜杖之如深以為恥及敦潛畜異志稜每諫之敦怒

其異已密使人激如令殺稜如因間宴請劒舞為歡稜

許之如舞劒漸前稜惡而呵之

惡鳥  
路翻

如直前殺稜敦聞

之陽驚亦捕如誅之

初朝廷聞張光死

光死見上  
卷元年

以

侍中第五猗為安南將軍

考異曰周訪傳云征  
南大將軍今從杜曾傳

監荆

梁益寧四州諸軍事荊州刺史

監工  
銜翻

自武關出杜曾迎

猗於襄陽為兄子娶猗女

偽于翻

遂聚兵萬人與猗分據

漢沔陶侃既破杜弢乘勝進擊曾有輕曾之志司馬魯

恬諫曰凡戰當先料其將今使君諸將無及曾者未易

可逼也

易以鼓翻

侃不從進圍曾於石城

水經註沔水南逕石城西城因山為

固晉羊祜鎮荊州立晉惠帝元康九年分江夏西部都尉置竟陵郡治石城今郢州長壽縣即其地

曾軍

多騎兵

騎奇寄翻

密開門突侃陳

陳讀曰陣

出其後反擊之侃兵

死者數百人曾將趨順陽

趨七喻翻

下馬拜侃告辭而去時

荀崧都督荊州江北諸軍事屯宛

江當作沔宛於元翻

曾引兵圍

之崧兵少食盡

少詩  
沽翻

欲求救於故吏襄城太守石覽崧

小女灌年十三帥勇士數十人

帥讀曰  
率下同

踰城突圍夜出

且戰且前遂達覽所又為崧書求救於南中郎將周訪

遣子撫帥兵三千與覽共救崧曾乃遁去曾復致牋

於崧求討丹水賊以自效

丹水縣前漢屬弘農郡後漢屬南陽郡晉屬順陽郡賢曰

丹水故城在今鄧州內鄉縣西南臨丹水復扶又翻下同

崧許之陶侃遺崧書曰杜

曾凶狡所謂鵠食母之物

鵠堅堯翻一曰流離爾雅作鵠鵠陸璣草木疏曰鵠

也關西人謂之流離大則食其母爾雅有茅鵠今鵠鵠也似鷹而白怪鵠即鵠鵠也鵠鵠上鵠也孔穎達曰鵠

惡聲之鳥一名鵬與梟一名鴟詩瞻卬云為鵒為梟是也俗說以為土梟非也陸璣疏云鴟大如班鳩綠色惡聲之鳥也入人家凶賈誼所謂服鳥是也其肉甚美可為羹臠又可為炙漢供御物各隨其時唯鴟冬夏尚施之以其美故也遺于季翻 此人不死州土未寧足下當識吾言

識職史翻

記也

崧以死中兵少藉曾為外援不從曾復帥流亡二千

餘人圍襄陽數日不克而還 王敦嬖人吳興錢鳳疾

陶侃之功屢毀之

嬖卑義翻又博計翻

侃將還江陵欲詣敦自陳

朱伺及安定皇甫方回諫曰公入必不出侃不從既至敦留侃不遣左轉廣州刺史以其從弟丞相軍諮祭酒

庾為荊州刺史

從才用翻庾逸職翻又羊至翻

荊州將吏鄭攀馬雋等

詣敦上書留侃敦怒不許攀等以侃始滅大賊而更被

黜

謂滅杜殺也

衆情憤惋

惋烏貫翻

又以庾忌戾難事遂帥其徒

三千人屯湏口

水經注湏水出蔡陽縣東南過隨縣又南過江夏安陸縣又東南分為二水西

入于沔者謂之湏口湏音云

西迎杜曾庾為攀等所襲犇于江安

江安

縣屬南平郡武帝太康元年分犍陵置

杜曾與攀等北迎第五猗以拒庾

庾督諸軍討曾復為曾所敗敦意攀承侃風旨被甲持

矛將殺侃出而復還者數四

敗補邁翻被皮義翻復扶又翻

侃正色曰

使君雄斷當裁天下斷丁亂翻何此不決乎因起如廁諮議

參軍梅陶長史陳頌言於敦曰周訪與侃親姻如左右

手

訪與侃結友以女妻侃子瞻

安有斷人左手而右手不應者乎

斷丁

管翻

敦意解乃設盛饌以餞之

饌離戀翻又離皖翻

侃便夜發敦引

其子瞻為參軍初交州刺史顧祕卒州人以祕子壽領

州事帳下督梁碩起兵攻壽殺之碩遂專制交州王機

自以盜據廣州

見上卷懷帝永嘉六年

恐王敦討之更求交州會

杜弘詣機降

杜弘杜弼將也弼敗弘走降機降戶江翻下同

敦欲因機以討碩

乃以降杜弘為機功轉交州刺史機至鬱林

鬱林秦桂林郡地漢

武帝平南越更置鬱林郡唐潯州桂平縣古鬱林郡所治布山縣地也

碩迎前刺史修則

子湛行州事以拒之機不得進乃更與杜弘及廣州將

溫邵交州秀才劉沈謀復還據廣州陶侃至始興

吳孫皓甘

露元年分桂陽南部都尉立始興郡治漢曲江縣唐為韶州沈持林翻

州人皆言宜觀察

形勢不可輕進侃不聽直至廣州

廣州治南海郡番禺縣

諸郡縣

皆已迎機矣杜弘遣使偽降侃知其謀進擊弘破之遂

執劉沈於小桂

秦置桂林郡漢武帝改曰鬱林郡治布山桂林為縣屬焉吳孫皓鳳凰三年分

立桂林郡因謂桂林為小桂陶  
弘景曰始興桂陽縣即是小桂遣督護許高討王機走

之機病死于道高掘其尸斬之諸將皆請乘勝擊溫邵

侃笑曰吾威名已著何事遣兵但一函紙自定耳乃下

書諭之邵懼而走追獲於始興杜弘詣王敦降廣州遂

平侃在廣州無事輒朝運百甓於齋外  
甓蒲歷翻  
瓴甌也暮運

於齋內人問其故答曰吾方致力中原過爾優逸恐不

堪事故自勞耳王敦以杜弘為將寵任之 九月漢主

聰使大鴻臚賜石勒弓矢策命勒為陝東伯  
陝失冉翻得專

征伐拜刺史將軍守宰封列侯歲盡集上

上時掌翻集其所授官爵

及其人之姓名而上之

漢大司馬曜寇北地詔以麴允為大都

督驃騎將軍以禦之

驃匹妙翻騎奇寄翻

冬十月以索綝為尚書

僕射都督宮城諸軍事曜進拔馮翊太守梁肅犇萬年

秦櫟陽縣漢高祖改曰萬年屬馮翊晉屬京兆

曜轉寇上郡麴允去黃白城軍

于靈武

漢北地郡之靈武縣也

以兵弱不敢進帝屢徵兵於丞相

保保左右皆曰蝮蛇螫手壯士斷腕

漢書齊王曰蝮蛇螫手則斬手蓋以為

不如此則流毒於一身至於死也

今胡寇方盛且宜斷

螫音釋斷丁管翻下同腕烏貫翻

隴道以觀其變從事中郎裴詵曰今虵已螫頭頭可斷  
乎保乃以鎮軍將軍胡崧行前鋒都督須諸軍集乃發  
麴允欲奉帝往就保索綝曰保得天子必逞其私志乃  
止於是自長安以西不復貢奉朝廷

復扶  
又翻

百官饑乏採

稻以自存

稻音呂禾  
自生曰稻

涼州軍士張冰得璽文曰皇帝

行璽獻於張寔僚屬皆賀寔曰是非人臣所得留遣使

歸于長安

晉諸征鎮能知君臣之分者  
張氏父子而已璽斯氏翻

四年春正月司徒梁芬議追尊吳王晏右僕射索綝等

引魏明帝詔以為不可

魏明帝詔見七十  
一卷太和三年

乃贈太保諡

曰孝

考異曰本傳晏諡  
敬王今從愍帝紀

漢中常侍王沈宣懷中宮

僕射郭猗等

沈持  
林翻

皆寵幸用事漢主聰游宴後宮或三

日不醒或百日不出自去冬不視朝政事一委相國祭

唯殺生除拜乃使沈等入白之沈等多不白而自以其

私意決之故勲舊或不叙而姦佞小人有數日至二千

石者軍旅歲起將士無錢帛之賞而後宮之家賜及僮

僕動至數千萬沈等車服第舍踰於諸王子弟中表為

守令者三十餘人皆貪殘為民害

謂他姓與沈等子弟有中表親者沈持林

翻守式又翻

靳準闔宗諂事之郭猗與準皆有怨於太弟又

猗謂相國粲曰殿下光文帝之世孫主上之嫡子四海

莫不屬心

屬之欲翻

奈何欲以天下與太弟乎且臣聞太弟

與大將軍謀因三月上巳大宴作亂事成許以主上為

太上皇大將軍為皇太子又許衛軍為大單于

聽以子驥為大

將軍子勣為衛大將軍皆粲弟也又按時以子數為大將軍數卒後乃以驥為之

三王處不疑

之地

處昌呂翻

並握重兵以此舉事無不成者然三王貪一

時之利不顧父兄事成之後主上豈有全理殿下兄弟固不待言東宮相國單于當在武陵兄弟何肯與人也

武陵兄弟當是人之諸子相息亮翻單音蟬

今禍期甚迫宜早圖之臣屢言

於主上主上篤於友愛以臣刀鋸之餘終不之信願殿下勿泄密表其狀殿下儻不信臣可召大將軍從事中

郎王皮衛軍司馬劉惇假之恩意許其歸首

首式救翻

以問

之必可知也槃許之猗密謂皮惇曰三王逆狀主上及相國具知之矣卿同之乎二人驚曰無之猗曰茲事已

決吾憐卿親舊并見族耳因歔歔流涕

歔音虛歔許既翻又音希

二

人大懼叩頭求哀猗曰吾為卿計卿能用之乎相國問卿卿但云有之若責卿不先啟卿即云臣誠負死罪然仰惟主上寬仁殿下敦睦苟言不見信則陷於誣譖不測之誅故不敢言也皮惇許諾粲召問之二人至不同時而其辭若一粲以為信然斬準復說粲曰殿下宜自居東宮

時又居東宮復扶又翻

以領相國使天下早有所繫今道

路之言皆云大將軍衛將軍欲奉太弟為變期以季春

若使太弟得天下殿下無容足之地矣粲曰為之奈何

準曰人告太弟為變主上必不信宜緩東宮之禁使賓

客得往來太弟雅好待士

好呼到翻

必不以此為嫌輕薄小

人不能無迎合太弟之意為之謀者然後下官為殿下

露表其罪

為于偽翻

殿下收其賓客與太弟交通者考問之

獄辭既具則主上無不信之理也粲乃令卜抽引兵去

東宮

去年聘令卜抽將兵監守東宮

少府陳休左衛將軍卜崇為人清

直素惡沈等

惡鳥路翻下同

雖在公座未嘗與語沈等深疾之

侍中卜幹謂休崇曰王沈等勢力足以回天地卿輩自

料親賢孰與竇武陳蕃

言陳蕃之賢竇武之親且為宦官所困况休崇等乎

休崇

曰吾輩年踰五十職位已崇唯欠一死耳死於忠義乃

為得所安能俛首佞眉以事閣豎乎

伍與低同音都黎翻

去矣卜

公勿復有言

復扶又翻下同

二月漢主聰出臨上秋閣

殿之西閣也

命收陳休卜崇及特進綦母達大中大夫公師或尚書

王琰田歆大司農朱諧並誅之皆宦官所惡也卜幹泣

諫曰陛下方側席求賢而一旦戮卿大夫七人皆國之

忠良無乃不可乎藉使休等有罪陛下不下之有司

戶下

稼翻

暴明其狀天下何從知之詔尚在臣所未敢宣露

卜幹

為侍中詔經門下因留之而諫

願陛下熟思之因叩頭流血王沈叱幹

曰卜侍中欲拒詔乎聽拂衣而入免幹為庶人太宰河

間王易

考異曰晉春秋易作士通今從載記

大將軍勃海王敷御史大

夫陳元達金紫光祿大夫西河王延等皆詣闕表諫曰

王沈等矯弄詔旨欺誣日月內諂陛下外佞相國威權

之重侔於人主多樹姦黨毒流海內知休等忠臣為國

盡節

為于偽翻

恐發其姦狀故巧為誣陷陛下不察遽加極

刑痛徹天地

徹救列翻通也

賢愚傷懼今遺晉未殄巴蜀不賓

石勒謀據趙魏曹嶷欲王全齊

嶷魚力翻王于況翻

陛下心腹四

支何處無患乃復以沈等助亂誅巫咸戮扁鵲臣恐遂

成膏肓之疾

馬輻曰巫咸殷巫也扁鵲古良醫也秦醫緩視晉侯曰疾不可為也居膏之上肓之下

攻之不可達之不及藥不至焉杜預曰心下為膏肓高也徐曰肓音荒說文曰心下高上也扁補典翻後

雖救之不可及已請免沈等官付有司治罪

治直翻聰以

表示沈等笑曰羣兒為元達所引遂成癡也沈等頓首

泣曰臣等小人過蒙陛下識拔得洒掃閨閣而王公朝

士疾臣等如讐又深恨陛下願以臣等膏鼎鑊

膏居號  
翻潤也

則朝廷自然雍穆矣聰曰此等狂言常然鄉何足恨乎

聰問沈等於相國粲粲盛稱沈等忠清聰悅封沈等為

列侯太宰易又詣闕上疏極諫聰大怒手壞其疏

壞音  
怪

三月易忿恚而卒易素忠直陳元達倚之為援得盡諫

諍及卒元達哭之慟曰人之云亡邦國殄悴

詩大雅瞻  
卬之辭悴

秦醉  
翻

吾既不復能言安用默默苟生乎歸而自殺初

代王猗盧愛其少子比延欲以為嗣使長子六修出居

新平城而黜其母

建興元年猗盧築新平城新平城唐謂之新城在朔州界少詩照翻長知

兩翻

六修有駿馬日行五百里猗盧奪之以與比延六修

來朝

朝直遙翻

猗盧使拜比延六修不從猗盧乃坐比延於

其步輦

步輦不駕馬使人輓之

使人導從

從才用翻

出遊六修望見以

為猗盧伏謁路左至乃比延六修慙怒而去猗盧名之

不至大怒帥衆討之為六修所敗

帥讀曰率敗補邁翻

猗盧微服

逃民間有賤婦人識之遂為六修所弑拓拔普根先守

外境聞難來赴攻六修滅之

難乃旦翻

普根代立國中大亂

新舊猜嫌迭相誅滅左將軍衛雄信義將軍箕澹

澹徒覽翻

又徒濫翻

久佐猗盧為衆所附謀歸劉琨乃言於衆曰聞舊

人忌新人悍戰

舊人索頭部人也新人晉人及烏桓人也悍侯肝翻又下罕翻

欲盡殺

之將奈何晉人及烏桓皆驚懼曰死生隨二將軍乃與

琨質子遵帥晉人及烏桓三萬家馬牛羊十萬頭歸于

琨

質音致帥讀曰率下同

琨大喜親詣平城撫納之琨兵由是復

振夏四月普根卒其子始生普根母惟氏立之

惟氏猗也之妻

張寔下令所部吏民有能舉其過者賞以布帛羊米

賊曹佐高昌隗瑾曰

自漢以來公府方州郡國諸曹有掾有屬有左史前漢書西域傳車

師國有高昌壁唐書曰高昌國漢車師前王庭也後破高昌置西州觀此則河西張氏固嘗於高昌之地置郡縣至後魏時始為高昌國也隗五罪翻今明公為政事無巨細皆自決之

或興師發令府朝不知

府朝謂僚佐所集之處朝直遙翻

萬一違失謫

無所分羣下畏威受成而已如此雖賞之千金終不敢

言也謂宜少損聰明

少詩沼翻

凡百政事皆延訪羣下使各

盡所懷然後採而行之則嘉言自至何必賞也寔悅從

之增瑾位三等寔遣將軍王該帥步騎五千入援長安

且送諸郡貢計

貢土物也計計帳也

詔拜寔都督陝西諸軍事

陝失

冉翻

以寔弟茂為秦州刺史石勒使石虎攻劉演于廩

丘幽州刺史段匹磾使其弟文鴛救之

碑丁奚翻

虎拔廩丘

演犇文鴛軍虎獲演弟啓以歸寧州刺史王遜嚴猛

喜誅殺

喜許記翻

五月平夷太守雷炤

懷帝永嘉五年遜表分牂牁朱提建寧立

平夷郡即漢平夷縣地

平樂太守董霸

平樂郡證以隋志蓋置於越雋

郡之邛部川然不知誰所置也樂音洛

帥三千餘家叛降於成

帥讀曰率降戶江翻

六月丁巳朔日有食之 秋七月漢大司馬曜圍北

地太守麴昌

晉北地郡領泥陽富平二縣耳

大都督麴允將步騎三萬

救之曜遶城縱火烟起蔽天使反間給允曰郡城已陷

往無及也衆懼而潰曜追敗允於礪石谷

間古覓翻敗補邁翻礪蒲

官翻魏收地形志比地郡銅官縣有石槃山

允犇還靈武曜遂取北地允性

仁厚無威斷

斷丁亂翻

喜以爵位悅人

喜許記翻

新平太守竺恢

始平太守楊像扶風太守竺爽安定太守焦嵩皆領征

鎮杖節加侍中常侍村塢主帥小者猶假銀青將軍之

號

征鎮四征四鎮將軍號也銀青將軍加將軍號而假以銀印青綬帥音所類翻

然恩不及下

故諸將驕恣而士卒離怨關中危亂允告急於焦嵩嵩

素侮允曰須允困當救之曜進至涇陽渭北諸城悉潰

涇陽縣前漢屬安定郡班志曰開頭山在縣西禹貢涇水所出東北至陽陵入渭過郡三行于六十里此言曜至涇陽渭北諸城悉潰則其兵已在池陽陽陵二縣間言在涇水之陽非安定之涇陽縣也曜獲建

威將軍魯充散騎常侍梁緯少府皇甫陽曜素聞充賢

募生致之既見賜之酒曰吾得子天下不足定也充曰

身為晉將國家喪敗不敢求生

緯于貴翻將子亮翻喪息浪翻

若蒙公

恩速死為幸曜曰義士也賜之劍令自殺梁緯妻辛氏

美色曜召見將妻之

妻如字

辛氏大哭曰妾夫已死義不

獨生且一婦人而事二夫明公又安用之曜曰貞女也

亦聽自殺皆以禮葬之

漢主聰立故張后侍婢樊氏

為上皇后三后之外佩皇后璽綬者復有七人

璽斯氏翻綬音

受復狀又翻

下同據載記

三后二靳氏及劉氏樊氏為

四

考異曰

劉聰載記曰四后之外按時靳上皇后已

死唯三后耳

嬖寵用事刑賞紊亂

嬖卑義翻又博計翻紊音問

大將

軍數數涕泣切諫

數所角翻

聰怒曰汝欲乃公速死邪何以

朝夕生來哭人數憂憤發病卒河東平陽大蝗民流殍

者什五六石勒遣其將石越帥騎二萬屯并州招納流

民

殍被衣翻餓死於中野者曰殍散而之他方者曰流時勒蓋遣越屯上黨招納并州統內也帥讀曰率騎

奇計翻

民歸之者二十萬戶聰遣使讓勒勒不受命潛與

曹嶷相結

嶷魚力翻

八月漢大司馬曜逼長安九月漢

主宴羣臣於光極殿引見太弟又

見賢遍翻

又容貌憔悴鬢

髮蒼然涕泣陳謝聰亦為之慟哭

悴秦醉翻為于偽翻

乃縱酒極

歡待之如初焦嵩竺恢宋哲皆引兵救長安散騎常

侍華輯監京兆馮翊弘農上洛四郡兵屯霸上

華戶化翻監古

銜翻

皆畏漢兵彊不敢進相國保遣胡崧將兵入援擊漢

大司馬曜於靈臺破之

三輔黃圖周文王靈臺在長安西四十里高二丈周圍百二十

步崧恐國威復振則麴索執盛

麴允索緄也索昔各翻

乃帥城西

諸郡兵屯渭北不進遂還槐里

槐里縣漢屬扶風晉屬始平郡

曜攻陷

長安外城麴允索緄退保小城以自固內外斷絕城中

饑甚米斗直金二兩人相食死者大半亡逃不可制唯

涼州義衆千人守死不移

涼州義衆張軌父子所遣兵也

太倉有麴數

十麴

麴必郢翻

麴允屑之為粥以供帝既而亦盡冬十一月

帝泣謂允曰今窮厄如此外無救援當忍恥出降以活

士民

降戶江翻下同

因歎曰誤我事者麴索二公也使侍中宗

敞送降牋於曜

考異曰帝紀作宋敞今從晉春秋

索綝潛留敞使其子

說曜曰今城中食猶足支一年未易克也

說輸芮翻易以歧翻

若

許綝以儀同萬戶郡公者請以城降曜斬而送之曰帝

王之師以義行也孤將兵十五年未嘗以詭計敗人

補敗

邁翻

必窮兵極勢然後取之今索綝所言如此天下之惡

一也輒相為戮之

偽為千翻

若兵食審未盡者便可勉強固

守

強其兩翻

如其糧竭兵微亦宜早寤天命甲午宗敞至曜

營乙未帝乘羊車肉袒銜璧輿櫬出東門降

櫬初翻

羣臣

號泣攀車執帝手帝亦悲不自勝

號戶刀翻勝音升

御史中丞

馮翊吉朗歎曰吾智不能謀勇不能死何忍君臣相隨

北面事賊虜乎乃自殺曜焚櫬受璧使宗敞奉帝還宮

丁酉遷帝及公卿以下於其營辛丑送至平陽壬寅漢

主聰臨光極殿帝稽首於前

稽音啟

麴允伏地慟哭扶不

能起聰怒囚之允自殺聰以帝為光祿大夫封懷安侯  
以大司馬曜為假黃鉞大都督督陝西諸軍事太宰封  
秦王大赦改元麟嘉以麴允忠烈贈車騎將軍謚節愍  
侯

允則忠矣然猶在吉朗之後乎

以索綝不忠斬于都市

平陽都市也

尚書

梁允侍中梁濬等及諸郡守皆為曜所殺華輯奔南山  
千寶論曰昔高祖宣皇帝以雄才碩量應時而起性  
深阻有若城府而能寬綽以容納行數術以御物而  
知人善采拔

言胷中有城府者多不能寬容任數用術者多不能用人而宣帝能之也於

是百姓與能

謂天下皆推其能莫與爭也

大象始構

劉良曰象法也言晉之興

成大法從此始立也

世宗承基太祖繼業咸黜異圖用融前烈

謂內誅李豐夏侯玄外平母丘儉文欽諸葛誕

至于世祖遂享皇極

呂延濟曰享當

也皇極天子位也

仁以厚下儉以足用和不弛寬而能斷

斷丁亂翻

掩唐虞之舊域班正朔於八荒

八荒謂八方之外戎荒之地

于時有天下無窮人之諺

呂尚曰言百姓盡富

雖太平未洽亦

足以明民樂其生矣

樂音洛

武皇既崩山陵未乾而變

難繼起宗子無維城之助

乾音干宗子謂八王構難詩曰宗子維城

師尹

無具瞻之貴

詩曰赫赫師尹民具爾瞻

朝為伊周夕成桀跖

謂楊駿衛

璿張華等

國政迭移於亂人禁兵外散於四方方岳無鈞

石之鎮關門無結草之固

三十斤為鈞四鈞為石左傳秦伐晉晉魏顆敗秦師

獲杜回顛夢老人結草以亢杜回杜回顛而顛故獲之

戎羯稱制二帝失尊何

哉樹立失權託付非才四維不張而苟且之政多也

賈誼策曰禮義廉恥是謂四維四維不張國乃滅亡

夫基廣則難傾根深則難

拔理節則不亂膠結則不遷

李周翰曰理節謂政教有條理節度也膠固也

言君布仁惠之根基深廣又不失理節則人心固結而不可遷也

昔之有天下者所

以能長久用此道也周自后稷愛民十六王而武始

君之

后稷子不窋不窋子鞠鞠子公劉公劉子慶節慶節子皇僕皇僕子差弗差弗子毀喻毀喻子

公非公非子高圉高圉子亞圉亞圉子公叔祖類公叔祖類子古公亶父古公亶父子季歷季歷子文王文王子武王

凡十六王

其積基樹本如此其固今晉之興也其

創基立本固異於先代矣加以朝寡純德之人鄉乏

不貳之老

周官有鄉老不貳謂不貳過者朝直遥翻

風俗淫僻恥尚失所

言所恥者非所恥所尚者非所尚也

學者以莊老為宗而黜六經談者

以虛蕩為辯而賤名檢行身者以放濁為通而狹節

信進仕者以苟得為貴而鄙居正當官者以望空為

高而笑勤恪

呂延濟曰望空謂不識是非但望空署名而已

是以劉頌屢言

治道傳咸每糾邪正

頌咸事並見武紀惠紀治直吏翻

皆謂之俗吏

其倚杖虛曠依阿無心者皆名重海內若夫文王日

昃不暇食仲山甫夙夜匪懈者蓋共嗤黜以為灰塵

矣

文王自朝至于日中昃不遑暇食用咸和萬民仲山甫夙夜匪懈以事一人

由是毀譽

亂於善惡之實情慝弄於貨欲之塗選者為人擇官

官者為身擇利

呂延濟曰言選者不復為官擇賢為官者但擇所利而趨譽音余為于偽

翻

世族貴戚之子弟陵邁超越不拘資次悠悠風塵

皆奔競之士列官千百無讓賢之舉子真著崇讓而

莫之省

劉寔字子真崇讓論見八十二卷武帝太康十年省悉景翻

子雅制九班

而不得用

劉頌字子雅九班之制見同上

其婦女不知女工任情而

動有逆于舅姑有殺戮妾媵

二事皆賈后為之倡

父兄弗之罪

也天下莫之非也禮法刑政于此大壞國之將亡本

必先顛其此之謂乎

左傳曰國將亡本必先顛而後枝葉從之

故觀阮籍

之行而覺禮教崩弛之所由

事見七十八卷魏元帝景元三年行下孟翻

察吏純賈充之爭而見師尹之多僻

事見七十九卷武帝泰始七年

八年考平吳之功而知將帥之不讓思郭欽之謀而寤

戎狄之有釁

平吳爭功及郭欽疏並見八十一卷武帝太康元年

覽傳玄劉毅

之言而得百官之邪

傳玄劉毅武帝時為司隸前後糾核不避貴游因其所言而得

百官之邪也

核傳咸之奏錢神之論而覩寵賂之彰

傳咸奏見

八十二卷惠帝元康四年神錢論見八十三卷元康九年

民風國勢既已如此雖

以中庸之才守文之主治之

劉良曰中庸謂非賢非愚之才守文謂守常平

治世之主也治直之翻

猶懼致亂況我惠帝以放蕩之德臨之

哉懷帝承亂即位羈於彊臣愍帝犇播之後徒守虛名天下之勢既去非命世之雄材不能復取之矣

石勒圍樂平太守韓據于玷城

楊正衡曰玷丁念翻余按武帝泰始中分上黨

太原置樂平郡治玷縣玷縣漢屬上黨郡魏收地形志樂平縣有玷城師古曰玷音他兼翻載記誤作玷當讀

從顏音

據請救於劉琨琨新得拓跋猗盧之衆欲因其銳

氣以討勒箕澹衛雄諫曰

澹徒覽翻又徒濫翻

此雖晉民久淪異

域未習明公之恩信恐其難用不若且內收鮮卑之餘

穀

拓跋鮮卑也

外抄胡賊之牛羊

胡謂劉石也抄禁交翻

閉關守險務

農息兵待其服化感義然後用之則功無不濟矣琨不從悉發其衆命澹帥步騎二萬為前驅琨屯廣牧為之

聲援

廣牧縣漢屬朔方郡漢末省朔方置廣牧縣於陜南屬新興郡非廣牧縣故地也帥讀曰率

石

勒聞澹至將逆擊之或曰澹士馬精彊其鋒不可當不

若且引兵避之深溝高壘以挫其銳必獲萬全勒曰澹

兵雖衆遠來疲弊號令不齊何精彊之有今寇敵垂至

何可捨去大軍一動豈易中還

易以鼓翻

若澹乘我之退而

逼之顧逃潰不暇焉得深溝高壘乎

馬於虔翻

此自亡之道

也立斬言者以孔萇為前鋒都督令三軍後出者斬勒  
據險要設疑兵於山上前設二伏出輕騎與澹戰陽為  
不勝而走澹縱兵追之入伏中勒前後夾擊澹軍大破  
之獲鎧馬萬計雄澹帥騎千餘犇代郡帥讀曰率下同韓據棄  
城走并土震駭十二月乙卯朔日有食之考異曰帝紀天文

志皆誤作甲申朔宋志乙卯朔與長厯合今從之

司空長史李弘以并州降

石勒

劉琨為司空以弘為長史并州時治陽曲

劉琨進退失據不知所為段

匹磾遣信邀之已未琨帥衆從飛狐犇薊

恒山在常山  
上曲陽縣西

北有版號飛狐口  
碑丁奚翻薊音計

匹碑見琨甚相親重與之結婚約為

兄弟勒分徙陽曲樂平民于襄國置守宰而還孔萇攻

箕澹于代郡殺之

據載記萇攻澹於桑乾則此代郡乃後魏之代郡非漢晉之代郡也

萇

等攻賊帥馬嚴馮睹

帥所類翻睹張如翻嚴睹蓋為盜於幽冀之間

久而不克

司冀并充流民數萬戶在遼西迭相招引民不安業勒

問計於濮陽侯張賓賓曰嚴睹本非公之深仇流民皆

有戀本之志今班師振旅選良牧守使招懷之則幽冀

之寇可不日而清遼西流民將相帥而至矣勒乃召萇

等歸以武遂令李回為易北督護兼高陽太守

武遂縣前漢屬

河間國後漢晉屬安平國易北易水以北也高陽縣前漢屬涿郡後漢屬河間國武帝泰始元年分置高陽國

應劭曰在高河之陽

馬嚴士卒素服回威德多叛嚴歸之嚴懼而

出走赴水死馮睹帥其衆降

帥讀曰率

回徙居易京

易京公孫瓚所

築流民歸之者相繼於道勒喜封回為弋陽子增張賓

邑千戶進位前將軍賓固辭不受丞相睿聞長安不

守出師露次

露次者出宿于野上無屋宇

躬環甲冑

環音宜

移檄四方

刻日北征以漕運稽期斬督運令史淳于伯刑者以刀

拭柱血逆流上至柱末二丈餘而下

上時掌翻下同

觀者咸以

為冤丞相司直劉隗上言伯罪不至死請免從事中郎

周筵等官於是右將軍王導等上疏引咎請解職睿曰

政刑失中皆吾闇塞所致

塞悉則翻

一無所問隗性剛訐當

時名士多被彈劾

許居謁翻被皮義翻彈徒丹翻劾戶槩翻又戶得翻

睿率皆容

貸由是衆怨皆歸之南中郎將王含敦之兄也以族彊

位顯驕傲自恣一請參佐及守長至二十許人多非其

才

守式又翻長知兩翻

隗劾奏含文致甚苦

深文以致其罪

事雖被寢而

王氏深忌疾之

為王敦請誅  
劉隗張本

丞相睿以邵續為冀州

刺史續女壻廣平劉遐聚衆河濟之間

禮子  
胡

睿以遐為


平原內史托跋普根之子又卒

托與拓通魏改  
書本作托跋

國人

立其從父鬱律

從才  
用翻



資治通鑑卷八十九